

# RESPONSIO

AD PRAECIPUA

CAPITA APOLOGIAE.

*Miscellanea 721-2*  
QVAE FALSO CATHOLICA  
inscribitur, pro successione Hen-  
rici Nauarreni, in Franco-  
rum Regnum.

Auctore FRANCISCO ROMVLO.



in, Apud Petrum de Farris.

M. D. XCI.

---

*De Consensu Superiorum.*



# RESPONSIO AD PRÆCIPVA CAPITA APO- logiæ, quæ falso Catholica inscribi- tur, pro successione Henrici Nauarreni, &c.

## PRÆFATIO.



**R**ODIIT nuper cum aliis nonnullis hæreticis libellis, Apologia quædam edita Parisiis per E. D. L. I. C. (sic. n. auctôr nomen suum obscure significauit) quæ ut facilius fallat incautos, Catholica inscribitur. Eius Apologiæ quattuor sunt partes, Prima cõsumitur tota in describenda genealogia domus Barboniæ. Altera duas obiectiones diluit, quæ aduersus Henricum Nauarrenum quõdam regem, factæ fuerât quod is videlicet & spurcius & Hæreticus sit. Tertia diluit obiectionem tertiam, quod idẽ ipse læsæ maiestatis sit reus. Quarta denique disputationem illam complectitur, sitne patruus filio fratris anteponendus in iure successionis, an contra. Ex quibus ea solum mihi tractanda esse hoc tempore existimaui, quæ ad religionem catholicam, quam auctôr Apologiæ simulatione catholicissimi per summam fraudem euertere nititur; & ad bullam sanctissimi pontificis Sixti quinti in Henricum Nauarrenum pro-

xime editam, quam iste pseudocatholicus recte oppugnat, pertinere uidebuntur. Quare nihil hoc loco dicā de genealogia domus Borboniæ, nihil de coniugio parentum eiusdem Henrici, nihil de crimine rebellionis, aliisq. id genus, quæ eidem obiiciuntur. Controuersiam uero illā de iure successionis inter filium fratris & ipsius patrum ne attingam quidem. Neq. enim summus Ecclesiæ catholicæ pastor Henricū Nauarrenum spurium aut patruo posteriorem in successionis iure; sed hæreticum manifestum atq. in hæresim relapsum declarauit, eūq. hoc titulo, quicquid tandem sit de aliis, successionis iure priuauit, & incapacem coronæ regum Christianissimorum esse declarauit: Neq. uidetur operæ pretium de aliis capitibus laboriose differere, cum ex hoc vno crimine hæreseos Nauarrenus ab ea spe successionis apertissime deciciatur; ob quam sustentandam apologia tota instituta est. Porro Apologiæ auctor, ut argumentum ab hæresi ductū refellat, tria quædam demonstranda suscepit. Primum, non posse ob hæresim principes imperio aut iure ad imperium priuari: deinde Hugonotos, ad quorum sectam Nauarrenum regem pertinere, negare non potuit, hæreticos non esse, aut certe nondum esse in legitimo concilio ab Ecclesia pro hæreticis condemnatos: deniq. nihil esse, cur catholici metuant religioni ac fidei suæ, si Nauarrenum, quamuis hæreticū, regē accipiant: illum enim sine dubio permisiurū, ut unusquisq.

liber-

libertate conscientie in religione fruatur. Ac ut  
optima fide causam istam agere, & non affectu  
partium, sed sola ueritate impulsus ad hanc Apo-  
logiam scribendam, iudicetur, passim toto libro  
inculcat, ac repetit se catholicum. Nos igitur ut  
eius uestigiis insistamus, demonstrabimus pri-  
mum auctorem Apologie falso sibi catholici no-  
men assumere, cum aut hæreticus, aut fortasse e-  
tiam atheus sit: deinde sectam Hugonottorū, cu-  
ius se professorem & uerbis, & re ipsa palam as-  
ferit Nauarrenus, omnino hæreticam esse, & iam  
dudum à catholica Ecclesia non semel in legiti-  
mis & plenariis conciliis condemnatam: tertio  
hæreticos iure posse uel à regno atque imperio  
deici, uel successionem regni, siue imperii cuius-  
cunq, super catholicos populos ab Apostolica se-  
de priuari. Addemus postremo etiam causas, cur  
ii non imprudentes modo habendi sint, sed etiā  
catholicæ fidei parum studiosi, ne dicam prodi-  
tores, qui, si ualeant id prohibere, hæreticum ho-  
minem ab Ecclesia iudicatum & damnatum, ad  
regnum conscendere patiantur.

P A R S P R I M A.

C A P. I.

**V**T igitur ab eo, quod primo loco posui-  
mus, ordiamur, & fraudem pseudoca-  
tholici huius deregamus: sic ille apologiam  
inscribit. Apologia catholica, &c. & mox præ-  
fationem his uerbis auspicator, Nullum tem-  
pus unquam extitit Christiane France atque

catholice. Ac ne putemus catholici nomen aliter ab eo accipi, quam nunc ab iis accipiat, qui catholicam Ecclesiam à Luteranorum & Calvinistarum seu Hugonotorum conuenticulis distinguunt, idem ipse paulo infra in eadem præfatione ita se aperit. Neque vero huic rei studeo, ut eam, quam profitetur Nauarrenus, religionem promoueam, ut qui sum, semperque fuerim catholicus, & sub auctoritate Ecclesiæ catholicæ Romanæ uixerim. hæc ille. in quibus verbis non solum ad v. sem, catholicæ Ecclesiæ, addit, Romanæ, sed etiam scitis aperte catholicam Romanam Ecclesiam, cuius se filium profitetur, ei sectæ opponit, quam Nauarrenus tuetur. Quare dum se catholicæ Romanæque fidei, atque Ecclesiæ esse confirmat, non loquitur, ut aliquando solent Calvinistæ, de catholica Ecclesia, quæ olim Romæ erat, aut quæ hoc etiâ tempore ibi sit apud occultos Calvinistas, sed plane de ea, quæ publice nunc Romæ viget & floret, quæque cum omnibus hæreticis, atque in primis cum Hugonottis bellum gerit. Idem confirmant illa verba in secunda parte Apologiæ num. 4. pag. 51. sancta decreta Ecclesiæ catholicæ his decisionibus plena sunt, &c. enumerat autem decreta Euaristi, Marcelli, Ninolai i. Alexandri iii. & Innocentii iii. pontificum Romanorum, ex quo intelligimus auctorem Apologiæ agnoscere pro sancta Ecclesia catholica Romana, non eam solum quæ fuit primis quingentis aut sexcentis annis, quam

quam etiam agnoscunt Hugonotti, sed etiam  
eam, quæ fuit post annum domini 1200. quam  
Ecclesiæ catholicæ nomine non solum non di-  
gnantur Calvinistæ ac Lutherani, sed eam per-  
petuo ut regnum Antichristi lacerant. Illuc etiã  
illa spectant, quæ habentur pagina 72. An non „  
satisfecit vobis summa diligentia studiumq, no „  
strorum Christianissimorum & catholicorum „  
regum in adunando populo suo, & ad unam so- „  
lam religionem Apostolicam Romanam addu- „  
cendõ? quid nobis profuerunt tot ignes? cædes? „  
prælia? Hæc ille: Vbi sane nõ videtur potuisse a-  
pertius significare eam ecclesiam, quæ nunc ab  
Hugonottis hæreticis exercetur, solam esse verã  
atq; Apostolicam catholicamq; Ecclesiam. Ista  
enim Ecclesia est, cuius se filios semper professi  
sunt Christianissimi potentissimiq; Francorum  
reges, & in cuius gratiam in Hugonottos hæreti-  
cos flammis & gladio pie sæuerũ Deniq; pag.  
3. de cærimoniis ecclesiasticis disputans huius  
apologiæ auctor ita loquitur. Atque hoc non eo „  
dico, ut institutionem cærimoniarum Ecclesiæ „  
nostre criminet, quas in cultu Dei ordinarie ser- „  
uo. Illam igitur Ecclesiam, auctor iste, suam eccle-  
siam uocat, in qua seruantur cærimoniæ, quas  
Hugonotti sublatas uellent, & re ipsa in suis con-  
uentibus sustulerunt. Atque hæcenus demon-  
strauit apologiæ auctorem se catholicæ religio-  
nis, quæ nunc Romæ palam custoditur, & co-  
litur, sectatorem peritissime profiteri.

N V N e ex eiusdem verbis ostendam illum ni-  
 hil minus esse quam quod se esse mēitur ac fin-  
 git. Ac primum in secunda parte apologæ pag.  
 71. de Tridentino concilio ita loquitur ad epi-  
 scopos, & presbyteros Ecclesiæ catholicæ. Profe-  
 cto vestrum illud cōcilium Tridentinum, quod  
 obtenditis, & ex quo condemnatis eos, non est  
 legitimum. Potuitne clarius homo iste significa-  
 re ab ea se religione alienissimum esse, cuius pau-  
 lo ante sectatorē & cultorem prædicabat? Siqui-  
 dem Ecclesia catholica Romana plane tota siue  
 caput, siue membra, siue clerum, siue populum,  
 siue principes, siue priuatos consideres, tota, in-  
 quam, Tridentinæ synodi, vt legitimæ & œcu-  
 menicæ synodi fidem ac dogmata veneratur.  
 Summus ipse pontifex Pius quartus nonne con-  
 cilium illud totum per publicas litteras, quæ ad  
 huc extant, approbavit, atque ab omnibus Chri-  
 stianis recipi & obseruari iussit? Episcopi omnes  
 catholici nonne professionem fidei ab eodem  
 Pio 4. pontif. editam faciunt, ac iuxta eam con-  
 ciliū Tridentini de religione decreta prædicatu-  
 ros se, ac defensores vsque ad mortē iurant? non  
 ne id ipsum præstant quotquot in Ecclesia catho-  
 lica vel ecclesiis, vel gymnasiis præsent? Legati  
 principum Christianorum Ferdinandi Cæsaris,  
 Caroli Francorum, Philippi Hispaniarum, Seba-  
 stiani Lusitaniæ, & Sigismundi Poloniæ re-  
 gum, & prætera Rerum publicarum, ac regu-  
 lorum



lorum plurimorum, nonne in postrema sessione concilii, cum omnia decreta recenserentur principes suos repræsentarūt, & eorum omnium nomine decreta eadem receperunt; qualis igitur catholicus est qui concilium illud audacter repudiat, quod omnes Ecclesiæ catholicæ principes tum ecclesiastici, tum sæculares, & omnes eorū populi, atque adeo orbis christianus vniuersus amplectitur? Ariana quōdam grassante perfidia, perinde erat apud Crīstiāos catholicū nominari, & Nicæni concilii assertorē dici, ac postea Euty-chianistis Ecclesiam diuexantibus ii soli catholici habebantur, qui Chalcedonensis cōcilii decreta seruabant: hinc B. Ambrosius in epist. 32. ad Valētinianum iuniore scribens, Sequor (inquit) tractatū Nicæni concilii, à quo me nec mors, nec gladius poterit separare. Et S. Basilius in epist. 78. in qua fidem suā exponit, nō alio symbolo hæreticos à catholicis discerni iubet quā approbatione vel improbatione synodi Nicænæ. Sanctissimus quoq; pontifex Leo, vt alios interim partes omittam, in epist. 78. ad Leonem imperatorem. Non sunt (inquit) omnino inter catholicos computandi, qui definitiones venerabilis synodi Nicænæ, vel sancti Chalcedonensis concilii regulas non sequuntur. Quod sane idem nobis de Tridentino concilio hoc tempore dicere licet. Neque enim alia nota clarior, nec vllum certius symbolum hæreticos à catholicis nunc distinguit, quam Tridentini

con-

SEU ad alia ueniamus, ex quibus perspicue  
 cognoscatur quanto mendacio Apologiæ auctor  
 “ se catholicum nominauerit. Pag. 77. Etenim, in-  
 “ quit, optimum consilium, quod sapientes uiri in  
 “ hac causa dederunt, hoc foret, si pro certo habe-  
 “ remus religionem istam, quæ reformationem  
 “ præ tendit, siquidem non est à Deo & instituto  
 “ doctrinæ ipsius, sine bello perituram esse, atque  
 “ in fumum abituram, ut tot hæresibus, quæ nos  
 “ præcesserunt accidit: sin autem est ex cōsilio Spi-  
 “ ritus sancti frustra reclamamus. hic enim suum  
 opus perfecturus est. Egregium sane catholicū,  
 qui pondum apud se certo constituit, utrū se ceteræ,  
 quæ tanto furore in Ecclesiam catholicā debac-  
 chantur, à Spiritu sancto sint, an non. Io. Calui-  
 rius, quem Hugonotti duce m atq; antesignanum  
 sequuntur, in 4. lib. Institutionis, c. 2. paragr. 2. de  
 Romana Ecclesia, cuius se membrum haberi cu-  
 “ pit apologiæ auctor, ita loquitur. Certum est non  
 “ esse Ecclesiam, ubi regnum occupauit mendaciū  
 “ & falsitas. In eum modum cum res se habeat sub  
 “ papismo, intelligere licet, quid Ecclesiæ illic su-  
 “ per sit. in locum cœnæ domini sedissimum sacri  
 “ legum subiit; publici conuentus idolatriæ & im-  
 “ pietatis scholæ. Hæc ille. Qualia passim & scribunt  
 in libris, & effutiunt in concionibus Hugonot-  
 ti. Quis igitur credat, eum catholicum esse, qui  
 adhuc ambigat, an à Spiritu sancto sint eoru se-

At, qui tam horribiles blasphemias in catholicam Ecclesiam euomunt, ut eam non modo ueram Ecclesiam esse negent, sed etiam idololatriæ & impietatis scholam appellare non vereantur? Ad hæc qui nondum certo statuit, se & am Caluini à Deo non esse: is adhuc dubitet, necesse est an Ecclesia illa sit à Deo, & proinde an sit Ecclesia Dei, quæ Caluum hæreticum iudicauit, qui autem eiusmodi est, quomodo catholicus dici potest, cum nondum teneat, quæ catholica sit Ecclesia?

C A P. I I I I.

S E D longius adhuc progreditur insignis iste catholicus. Siquidem pag. 109. unam esse ecclesiam, unam religionem Catholicorum, & Calvinistarum; & ex eo principio potest conigi pag. 124. Henricum Nauarrenum hæreticum non esse, scilicet publice professus sit, se in secta Calui ad mortem usque perseueraturum, & pag. 186. addit, eundem Nauarrenum catholicum esse ac pi-  
 um. Tam catholicus (inquit) est princeps, tam pius & timens Dei, ut numquam recusaturus sit, &c. Hic primò quæro, quo pacto ista cohæreant cum iis quæ supra ex eodem auctore citauimus. Nam in præfatione uerba illa habentur. Neque uero huic rei studeo, ut eam quam profitetur uidelicet Nauarrenus, religionem promoueam, ut qui semperque fuerim catholicus. Si Nauarreni religionem promouere non cupis, quia catholicus es, non igitur illa eius religio una est cum tua, neque catholica dici potest. Alioqui enim  
 quia

quia catholicus es, eam posses ac deberes maxime promouere. Quod si Nauarreni religioneq. catholica, neque vna, & eadem cum catholica dicenda est, quid est quod nunc tandem superiorum verborum tuorum oblitus dicis, vnā esse nostram & Caluinistarum religionem, & Nauarrenam Caluinistā, catholicum ac piū esse? Deinde si vna est nostra & Hugonottorū religio ac fides, & illi nō minus quam nos catholici dicuntur & sunt: quid pag. 72. dicebas, Frācorum reges christianissimos & catholicos summo studio operam dedisse, flammis etiam & gladio, vt populum suum adunarent, & ad vnā solam Apostolicam religiōem adducerent? quid erat opus tanta cōtentione, si vna est omniū religio? nondū intelligis, quam aperte in tota Apologia tecū ipse pugnes, & dum hæreticos cū catholicis iungis, & vnā religionem ex maxime repugnātib. facis, te ipsum prodere, nullius esse ecclesiæ, nullius religionis? At inquires vnā fides ac religio est Catholicorum & Hugonottorum, si dogmata spectentur, & substantiales articuli nostræ religionis: non tamen est vna si de cerimoniis agatur, quæ extra scripturam posterioribus temporibus in ecclesiam sunt inuectæ. Id enim scribis pag. 109. vbi controuersiam inter nos & Hugonottos, in eo solum positam esse dicis, vtrum cærimoniæ externæ retinendæ sint, quæ prima ætate Ecclesiæ non erant in vsu, sed à pontificibus extra scripturam diuersis temporibus

ribus sunt institutæ. Cæterum de hac re in sequenti capite plenius differemus; nunc illud tantum urgeo. Si de cærimoniis solum posteriori tempore excogitatis questio est; igitur fides catholica & apostolica religio omnino est apud Catholicos & Hugonottos. Non enim fides catholica à cærimoniis humanis, sed ab articulis substantialibus, qui uerbo Dei nituntur, nominatur; & apostolica religio ea dicitur, quam apostoli tradiderunt, quæque prima etiam Ecclesiæ ætate florebat. Quæ cum ita sint, redeunt argumenta paulo ante facta: nimirum si una est fides catholica, si una religio apostolica, Hugonottorum, & nostra, cur non audes Hugonottorum sectam promovere, ut in præfatione affirmas, quia catholicus es? & cur Francorum Christianissimi, & catholici reges tanto labore, ferro, & ignibus, bellis, ac cædibus, ut dicis, contenderunt, ut ad unam solam apostolicam religionem populos suos adigerent? Ex his igitur quæ hucusque dicta sunt à nobis, facile perspicitur potest, auctorem apologiæ non uere esse catholicum, sed hoc specioso nomine abuti uoluisse, ut simplicioribus hominibus facilius imponeret atque illuderet.

## PARS SECUNDA.

### C A P. V.

SEd ut iam ad causam propius accedamus; conatur apologiæ auctor demonstrare, Nauarrenum, quem Hugonottum esse non negat,

negat, hæreticum non esse. Id vero duobus potissimum argumentis efficit. Primum quia discordia inter catholicos & Hugonottos non est de summa fidei, sed de externis tantum cærimoniis, sine quibus Christiani primæ ætatis vixerunt ac Deum coluerunt. Deinde quia & hæc Hugonottorum nõdum est in legitimo aliquo conuentu Ecclesiæ cõdemnata. Nam Tridentinum concilium nõ esse legitimum, neque à regibus Franciæ unquam admissum. Hæc sunt omnia, quæ auctor iste profert ad Nauarrenum à grauissimo hæreseos crimine liberandum. In quibus quattuor sunt euidenter falsa; primum, controuersiam inter nos & Hugonottos non esse nisi de cæremoniis humanis atque externis: secundum, cæremonias quas Hugonotti sublatas cupiunt, nõ fuisse apud Christianos primæ ætatis: tertium, sectam Hugonottorum nullo legitimo Ecclesiæ iudicio adhuc damnatam: quartum, concilium Tridentinum non esse legitimum, neque à Francorum regibus admissum. Quæ omnia si certissimis rationibus falsa esse demonstrauero, simul illud efficiam, Nauarrenum, quod Hugonottus sit, non posse à crimine hæreseos vlla ratione defendi.

## CAP. VI.

IGITUR controuersiam inter catholicos, & Hugonottos non de solis cærimoniis externis, sed de summis etiam fidei nostræ capitibus esse, probatione non eget: id enim in primis vtraque pars, idest tum catholica ipsa Ecclesia,

.clesia , tum sectarii atque aduersarii nostri affir-  
 mant. Catholica siquidem Ecclesia & in synodo  
 Tridentina plerasq. sententias Lutheranorum &  
 Calvinistarum hæreses perniciosissimas esse iudi-  
 cavit , & Romæ quotannis feria quinta in cœna  
 Domini publico iudicio sectarios omnes anathe-  
 mate ferit; & electionem librorum ipsorû fidelibus  
 populis, seuera pœna proposita interdicat; ac de-  
 mum in omnes sectarios atq. in Hugonotos po-  
 tissimum, vt in manifestos ac truculentos lapos  
 inquiri iubet. Quæ omnia satis aperte declarant,  
 quid catholica nostra Ecclesia de præsentium cōtro-  
 uersiarû magnitudine & grauitate sentiat. Quid  
 vero sentiant Calvinistæ, ex verbis Caluini paulo  
 ante citatis intelligi potuit; sed non grauabor ali-  
 um adhuc locum adscribere, vt impostoris huius  
 apologetici uanitas magis appareat. Sic igitur Io.  
 Calvinus initio libri de necessitate reformandæ  
 ecclesiæ loquitur de iis , quæ in catholica no-  
 stra Ecclesia ipse non probat, & ad quæ sum-  
 mam controuersiam præsentium renocari  
 posse censet. Dicimus (inquit) ea doctrinæ ca-  
 pita , quibus religionis nostræ veritas , quibus  
 purus & legitimus Dei cultus , quibus salus ho-  
 minum continetur, fuisse propemodum abo-  
 lita: dicimus sacramentorum vsum multis  
 modis fuisse vitiatum & pollutum : dicimus  
 Ecclesiæ gubernationem in speciem fædæ , &  
 non ferendæ tyrannidis fuisse conuersam , hæc  
 ille. Sentisne , homo vanissime, ipsorum liti-  
 gantiam

gantium testimonio non de solis externis atque humanis caerimoniis, sed de doctrinae ueritate, de cultu Dei, de sacramentis celestibus, de totius Ecclesiae gubernatione controuersiam esse? An non igitur incredibilis plane atq. intoleranda tua audacia est, qui cum iureconsultum profitearis, & uere rerum theologicarum omnino rudis & imperitus sis; audeas tamen controuersias fidei uno uerbo conciliare, & iudicium tuum nullis scripturae testimoniis, nulla conciliorum, uel patrum auctoritate, nulla ratione munitum antepone iudicio theologorum omnium, non catholicorum modo, sed etiam protestantium? sed ueniamus ad ipsos quaestionum articulos, & doctrinam Ecclesiae, quae in Tridentino concilio potissimum eminet, cum antidoto Caluini ad idem conciliū cōferamus, ut apologeticus noster si forte sit cæcus, uel ipsis manib. palpare queat, nō de solis caerimoniis externis catholicos cum sectariis disceptate. Quarta sessione concilii de canonicarum scripturarum numero id ipsum statuitur, quod ante annos 1100. in concilio Carthaginensi tertio fuerat constitutum. Resistit Caluinus in antidoto, & libros Tobiae, Iudith, Ecclesiasticum, Sapientiam, & Machabæos, ut apocryphos reiecit. Estne hoc de caerimoniis externis, an potius de fundamento fidei dissentire? Quinta sessione de peccato originis id ipsum concilium docet, quod ante 1100. annos concilia Mileuitanum, & Aransicanum docuerant peccatum originis,



originis, quod carnali generatione contrahitur,  
 spiritali per baptisum regeneratione ita deleri,  
 ut nihil in baptizatis maneat, quod culpæ ratio-  
 nem habeat. Resistit Calvinus in antidoto, &  
 peccatum originis ita hære in hominibus asse-  
 rit, ut neque baptismo, neque alio yllo remedio  
 ad mortem usque tolli possit. Ex quo principio  
 colligunt omnes huius temporis sectarii, nulla  
 esse hominum merita, nulla opera vere iusta, legē  
 Dei esse impossibilem, & alia id genus multa,  
 quæ satis ostendant, non de solis cærimonis ex-  
 ternis, sed de præcipuis fidei nostræ articulis con-  
 trouersiam esse. Sexta sessione de iustificatione  
 impij, ea traditur, quæ in scripturis, & patribus  
 apertissime, & magna ex parte in Araulicano cō-  
 cilio continentur; liberum arbitrium non extin-  
 ctum, sed debilitatum; non sola fide homines iu-  
 stificari; sine baptismo in re aut in voto nulli cō-  
 tingere iustificationem; iustificari homines per  
 inhaerentem gratiā, non per imputationē; posse  
 iustificatum legem Dei ita implere, ut uitam æ-  
 ternam uere & proprie per eā obedientiam me-  
 reatur; deniq; posse gratiā per peccatum amitti  
 non amissa fide. Resistit Calvinus in antidoto  
 ac liberum arbitrium plane docet extinctum; so-  
 la fide iustificari homines; sine baptismo Chri-  
 stianorum filios non modo iustos censi, sed  
 & in regnum cælorum intrare posse, etiam si do-  
 minus dixerit, Nisi quis renatus fuerit ex aqua,  
 &c. sola imputatione obedientie Christi iu-

stos fieri, quicumq; apud Deum iustificantur, legem diuinam supra vires omnium hominū, etiam iustificatorum, esse: nulla esse veri nominis merita, cum omnia nostra opera sint peccata: Idem indiuiduam esse bonæ conscientie coniunctē, proinde nō posse fidē adesse vbi mala cōscientia sit. Quid hic aduersarius pseudocatholicus dicet? Suntne quæstiones istæ de cærimoniis an de iustitia fidei? de reb. adiaphorīs, an de ipsa æterna salute? Septima sessione de sacramētis agitur, atq. ea septem esse numero; à sacramētis legis veteris non solo ritu externo differre; neque ad solam fidem nutriendam instituta; sed gratiā Dei ex opere operato cōferre; baptisimū Ioannis nō eam vim habere, quā Christi baptisumus habet. atque alia nōnulla certa fide tenēda esse traditur. Rursus Calvinus in Antidoto, & septem esse instituat sacramēta nouæ legis, neque plura duobus aut tribus (neque enim sibi satis cōstat, ut colligitur ex lib. 4. Insti. c. 14. paragrapho 20. & ca. 18. paragrapho 20.) agnoscit; ea vero neque vi & efficacia à sacramētis veteribus distingui, neque ex opere operato gratiam cōferre, neque aliquid maius efficere quam fidem alere; neque baptisimū Christi à Ioannis baptismo diuersum esse cōtendit. Quæ sane controuersie nō de humanis cærimoniis, sed de diuinis sacramētis, neque de ritibus solum ecclesiasticis, sed de præcipuis nostræ salutis adiumentis sunt. Atque hucusque antidotus Calapianus extenditur.

Aitur. Quod si cætera, quæ in eodem concilio explicata sunt de veritate corporis Domini in Eucharistia, de sacrificio missæ, de sacramento penitentiae, de Purgatorio, de inuocatione sanctorum, deque aliis permultis grauissimis fidei nostræ dogmatibus cum suis erroribus, qui de rebus istisdem in institutione, aliisque Caluini commentariis extant, conferre velimus, quis tandem erit finis? Habemus igitur apertissime esse falsum quod scribit auctor Apologiae pag. 109. vnâ esse fidem catholicorum & Hugonottorum, atque id restare solum, ut constitutur & conueniat de institutione externarum caerimoniarum.

## CAP. VII.

VENIO ad secundum, & quamquam ad rem nostram non multum pertineat, virum caerimonie ecclesiasticæ in prima Ecclesiæ ætate fuerint in vñu, an posterioribus temporibus sint excogitata: quia tamen Apologiae auctor audacter affirmat pag. 109. inter nos conuenire. prima illa ætate Christianos sine his caerimoniis externis vixisse, ac Deum rite coluisse, quas nunc Hugonotti sublatas cupiunt; quod sane falsissimū est; ostendam paucis pleraque caerimonias ex earum numero, quas Hugonotti reiciunt, antiquissimas esse, & nō aliunde, quam ex Apostolica traditione, descendere. Magnus Basilius in lib. de Spiritu sancto ad Amphilochiū cap. 27. enumerans ea, quæ ab Apostolis tradita vniuersa seruat Ecclesia, primo loco ponit caerimoniam signan-

di homines signo crucis, quam cærimoniam nō minus quam ipse Satanas Hugonotti fugiunt. 2. orationem ad Oriētem. 3. uerba inuocationis cum ostenditur Eucharistia. 4. benedictionem aquæ baptismalis. 5. consecrationem olei. 6. unctionem eorum, qui baptisma susceperunt. 7. cæteras baptismi cærimonias. Sæctus Hieronymus in epist. ad Marcellam de erroribus Montani, quadragesimale ieiunium ab Apostolis traditū disertis uerbis affirmat. S. Ioan. Chrysost. hom. 67. ad populum Antiochenum, & hom. 3. in epist. ad Philipp. ad Apostolorum traditionem constanter reuocat usum sacrificia pro mortuis offerendi. Origenes in cap. 6. epist. ad Rom. Ecclesia, inquit, ab Apostolis traditionem accepit, etiam paruulis baptismum dare. Iustinus marty. in 2. Apologia extrema, inter alios ritus, quos ab Apostolis traditos recenset, ponit admittionem aquæ & uini in sacramento altaris. Epiphanius in lib. de heresib. extremo, compendio tradit ea quæ ab antiquissimis temporibus Ecclesia catholica obseruauit, & nunc etiam diligenter obseruat, atque in iis numerat perpetuum cælibatum, uitam solitariam, uarios ordines monachorum, quadragesimæ ieiunium, ciborum delectum, sacrificia pro defunctis, festos dies, & alia id genus plurima. Sed non est opus in hac re diutius immorari, cum nec aduersarius quicquam pro sua opinione protulerit, & pleni sint libri patrum eiusmodi testimoniis.

I A M uero sectam Hugonottorum nō semel publico & legitimo ecclesiæ iudicio condemnata esse, quod erat tertium ex iis, quæ probāda suscepimus, facili negotio demonstrabimus. Cōtrouersia principalis ob quam nō solum Catholicis, sed etiam Lutheranis Hugonotti sunt heretici, in sacramento cenæ domini sita est. Porro controuersia hæc non in solo Tridentino concilio, ut aduersarius fingit, sed in decem antiquioribus catholicæ ecclesiæ synodis, partim nationalibus, partim etiam generalibus, discussa, diiudicata, & terminata est: ut etiam si Tridentinum concilium factum non esset, nemo tamē negare posset, Hugonottorum hæresim in legitimo concilio ecclesiæ Romanæ, quam aduersarius ueram ecclesiam esse non negat, esse damnatam. Primū concilium Romanum fuit sub Leone ix. pontifice, omnium consensu, optimo & sanctissimo; in eo enim dānatam Berengarii hæresim de cenā Domini, quam suam quoq; sententiā esse Caluinus fatetur i vltima admonitione ad Ioachimū Vvesphalum, testatur Lanfrancus in lib. aduersus eundem Berengarium. Secundum concilium Vercellense fuit ab eodem Leone indictū & celebratū eodē teste à franco, atque i hoc cōcilio Berengarius per legatos quosdā suos interfuit, & in eis pariter confutatus, & dānatus fuit.

Tertium fuit concilium Turonense, in quo Victor papa secundus, per legatos præfedit &

B 3

Beren-

Berengarium præsentem ita confudit, ut etiam ad abiurationem erroris coegerit: quod idem Lanfrancus eodem loco scriptum reliquit.

Quartum concilium idq. frequentissimum, & celeberrimum, & ut à plurimis uocatur, generale, sub Nicolao ii. Romæ habitum est, atq. ita res tota discussa ac definita est, ut Berégarius præsens non modo hæresim abiurauerit, sed etiã in medio sancti concilii ignem accēderit, librosq. suos in eum ipse coniecerit; quarum omnium rerum testis est idem Lanfrancus, qui præsens interfuit, & cū Berégarianis sæpissime disputauit: necnon Guitmundus Episcopus Auerſanus, qui & ipse interfuit, lib. i. aduersus Berengarium.

Quintum concilium sub Gregorio papa septimo item Romæ celebratum est, atque in eo declarata est fides Ecclesiæ, quam Berengariani cū negare non possent, corrumpere falsa interpretatione ac deprauare moliebantur. Itaque præscripta est abiurationis formula, in qua perspicue legeretur, panem & uinum in altari per uerba consecrationis substantialiter conuerti in ueram & propriam Christi carnem, uerumque ac proprium Christi sanguinem Vide acta huius concilii apud Thomam Valdensen, tomo 2. de sacramentis, cap. 43.

Sextum concilium œcumenicum & maximum sub Innocentio tertio celebratum cap. i. ueritatem ac fidem eandem his uerbis comprehendit. Vna est fidelium vniuersalis Ecclesia,

has extra quam nullus omnino saluetur? in qua idem ipse sacerdos & sacrificiū Iesus Christus, corpus & sanguis in sacramento altaris sub speciebus panis, & uini ueraciter continetur, trās substantialiatis pane in corpus, & uino in sanguinem potestate diuina, ut ad percipiendum mysterium unitatis, accipiamus ipsi de suo, quod accepit ipse de nostro. Septimum est Vientiense conciliū generale, in quo præter cæteros Begardorum errores, ille damnatur, quod non sit sacrosanctæ eucharistiæ assurgendum ac reuerentia exhibenda, Quem errorem Caluini quoque, & omnium sacramentariorum esse, nemo est, qui nesciat.

Octauum concilium Romanum fuit sub Ioan. 22. Romæ coactum, in quo Ioan. Vvicleffi errores discussi & condemnati sunt. Quorum errorum præcipuus ille erat, in quo cum Berengario de cena Domini conueniebat. Meminit huius concilii, ut generalis & sacrosancti, synodus Constantiensis sess. 8.

Nonum concilium est ipsum iam citatum Constantiense sess. 8. ubi post accuratam doctrinæ Ioan. Vvicleffi discussionem, damnantur articuli 45. quorum primus est, substantiam panis manere in sacramento altaris. Secundus, accidentia non manere in sacramento eucharistiæ sine subiecto. Tertius, Christum non esse in sacramento eodem identice, & realiter in propria præsentia corporali. Quos articulos non magis Vvicleffi, quam Caluini, & omni-

dium Hugonotorum esse, nemo negare potest.

Decimum concilium item ecumenicum, Florentinum est, in quo Latinis Græcisque patribus consentientibus, in instructione quæ tradita est Armenis catholicæ fidei ueritas, his uerbis cōprehensa est: Verborum uirtute substantia panis in corpus Christi, & substantia uini in sanguinem conuertuntur. Quid iam dicet Apologeticus? negabit Nauarrenum Calvinistam esse? at ipse, ut in hac ipsa apologia scribitur pag. 120. & pag. 124. protestatus est in cōuentu ministrorum Calvinianorum apud Montē Albanum anno 1584. animum sibi esse uiuendi & moriendi in religione ipsorū edictis permissa, id est, in ea religione (si tamē religio dici debet) quæ cū uera religione aduersa frōte pugnat, quæ Geneuæ potissimū uiget auctore Caluino. Insitiabitur Caluinum cum Berengario, ac Vvicleffo ueram conuersionē panis in corpus Domini pernegasse? at extant integræ disputationes Caluini in hanc sententiā, tum in lib. de cēna Domini, tum in institutione Christiana lib. 4. cap. 17. audebit asserere, in nullo generali vel nationali concilio à Frācorū regibus admissio, sententiā illam, ut hæreticā esse damnatā? at nos decem concilia protulimus partim nationalia, partim etiam generalia, quorum alia in Italia, alia in Gallia, alia in Germania habita sunt, neque est eorum ullum à Christianissimis regibus improbatum.



titim . Non me latet Calvinianos hæc omnia ec-  
 clesiastica iudicia, hæretico more contēnere; sed  
 nos cum eo nunc agimus , qui se catholicę Ro-  
 manę Ecclesię filium esse dicit, quique in hac  
 ipsa apologia pag. 51. pontificū Romanorum &  
 conciliorū canones, sancta decreta catholicę ec-  
 clesię appellauit. Atque hic vnus articulus de cę-  
 na Domini satis esse poterat, ut Hugonottos hæ-  
 reticos iam olim ab Ecclesia catholica iudicatos  
 & damnatos esse nō dubitaremus. Sed non gra-  
 tiabor de paucis adhuc articulis Ecclesię iudi-  
 cium ac sententiā in Hugonottos, breuiter an-  
 notare. Cōtrouersia de libero arbitrio eiusmodi  
 est, vt Martinus Lutherus sectariorum omnium  
 huius temporis parens in assertionē articuli 36.  
 scriptum reliquerit, totius doctrinę suę summā  
 hac una controuersia contineri. Quę autem fue-  
 rit eius de arbitrii libertate sententia, ex his ver-  
 bis, quę ibidem scripta extant, intelligi potest.  
 Liberum arbitrium est figmentum in rebus, &  
 titulus sine re, quia nulli est in manu sua quip-  
 piam cogitare boni uel mali, sed omnia (ut  
 Vicleffii articulus Constantię damnatus recte  
 docet) de necessitate absoluta eueniunt. Hęc  
 Lutherus. quam sententiā Ioan. etiam Calui-  
 ni, & Hugonottorum omnium, ac per hoc Na-  
 uarrensi esse, nemo negabit. qui Caluini institu-  
 tionem legerit lib. 1. cap. 16 & lib. 2. cap. 2. 3. 4.  
 & 5. vel Antidorum ad sextam sessionem con-  
 ciliū Tridentini; uel denique responsionem ad  
 libros

78  
libros Alberti Pighii de libero arbitrio. Certe qui-  
dem lib. 2. Instit. c. 4. paragrapho 6. non modo li-  
berum tollit arbitrium in electione earum rerū,  
quæ ad mores vel religionem & pietatem perti-  
nent, sed earum etiam, quæ (ut ipse loquitur) nec  
iustæ per se, nec vitiosæ sunt, & ad corporeā ma-  
gis, quam spiritualementem uitam spectant. Hanc autē  
sententiam hæreticam plane, atq. ab Ecclesia ca-  
tholica non semel damnatam, ac proinde Hugo  
nottos omnes uel hoc solo nomine hæreticos ef-  
se, & ab ecclesia catholica iure optimo exclusos,  
ac præcisos, subiectis testimoniis comprobatur.

Bardesanem circa annum Domini 170. inter  
hæreticos ab ecclesia numeratum, quod liberi ar-  
bitrii hominem esse negauerit, testatur sanctus  
Augustinus in libro de hæresibus cap. 35. Mani-  
chos qui circa annū Domini 276. exorti sunt,  
eadem de causā hæreticos iudicatos, testatur san-  
ctus Hieronymus præfatione dialogorum aduer-  
sus Pelagianos, & sanctus Augustinus lib. de hæ-  
resibus cap. 46. Priscilianum circa annum Do-  
mini 390. eodem nomine hæreticum habitum,  
& ab Ecclesia publico iudicio condemnatum,  
testis est idem sanctus August. lib. de hæresibus  
cap. 70. Necnon sanctus Leo in epist. 91. ad Tur-  
bium, & Bracarense concilium primum can. 10.  
Errorem eundem circa annum Domini 450. in-  
tra ipsas Gallias, ecclesiastici præfules, satis aper-  
te damnaverunt in concilio 2. Arausicano can. 8. & 3.  
& 25. ubi liberum arbitrium per Adæ peccatū,

non

non amissum aut extinctum, sed infirmatum atque attenuatum legimus, ut quæ Deo sunt placita, gratia Dei adiuuante, quod per se non poterat, ualeat adimplere.

Petrum Abailardum circa annum Domini 1140. propter eandem hæresim ab Innoc. ii. pontifice, & Senonensi concilio condemnatum testis est S. Bernardus in epistol. 194. & extat hist. eius rei in 3. lib. uitæ S. Bernardi cap. 5.

Ioan. Vvicleffum circa annum Domini 1415. cum ob alios multos errores, tum ob hæc ipsam hæresim de arbitrii libertate Constantiense concilium generale hæreticum iudicauit. Quæ cum ista sint, facile lector intelligit, auctorem apologiæ frustra contendere, Hugonottos non esse habendos hæreticos, quod Tridentinū concilium à quo damnati sunt, legitimū non videatur. Quidenim si Tridentinū concilium numquam exstisset, an ideo reuocanda essent in dubium tot præcedentia iudicia Christiani orbis vniuersi? Sed ad alia veniāus. Quæstio de peccato originis, & baptismi necessitate, grauissima est ac fuit semper in Ecclesia, vt sanctus Augustinus li. 1. in Iulianū cap. 2. scriptum reliquerit, quæ etiam istam adeo est magnā, vt in ea Christianæ religionis summa consistat. Neque obscurum est, quid ea de re Calvinus atque Hugonotti ceteri sentiant. Nimium liberos fidelium sanctos nasci docent, neque baptismo ad salutem æternam indigere: neque ideo baptizandos esse, vt sancti fiant, sed

sed quia sancti sunt. Id habet Calvinus (vt alios interim omittamus) in antidoto cōciliū Tridentini, & in lib. 4. Instit. ca. 19. paragrapho. 26. vbi disertis verbis pronuntiat, nō perire omnes infantes, qui sine baptismo de hac vita decēdunt. Atque hanc manifestam, & ipsis potissimum infantibus perniciosam hāresim esse, tot scripturę testimoniis, tot cōciliorū decretis, tot pōtificū respōsis olī aduersus Pelagianos demonstratū est, vt S. Aug. in lib. 3. de origine animę cap. 9. nō dubitāter scripserit, Noli credere, noli dicere noli docere infantes antequā baptizētur, morte p̄uentos, peruenire posse ad originaliū indulgentiam peccatorum, si vis esse catholicus. Et in epist. 28. ad sanctum Hieronimum. Quisquis dixerit, quod in Christo viuificabūtur ēt paruuli, qui sine sacramenti eius participatiōe de vita exeunt, hic profectō, & cōtra apostolicā prędicationē uenit, & totā cōdemnat ecclesiam. Quid iam de cultu imaginū dicā? quis enim ignorat ante annos ferme nongētos Iconomachorū hāresim, quę nunc per Hugonottos instaurata per orbem terrę incredibili furore grassatur, in concilio secundo Nicæno œcumenico atque plenissimo, publico totius Ecclesię catholicę iudicio, esse damnatum? Quid de oratione pro defunctis, de statis ieiuniis, de differentia Episcopi, & presbyteri, deq; aliis eiusmodi rebus, in quibus Aerii errores versantur, quos ante annos mille centum ab vnīuersa eccle-

sa eccle-

sa ecclesia damnatos esse grauiſſimi auctores teſtantur, Epiphanius, hæreſi 75. Auguſt, lib. de hæreſib. cap. 53, Damascenus, de centum hæreſib. & quos ſibi cū Aero cōmunes eſſe nulla ratione inſitiri queſūt Caluiſiſtæ? Quid denique de hæreſibus Vigilantii, ac Iouiniani, de continentia, & uirginitate, de ſanctorum meritis, ac præmiis, de cultu reliquiarum, de ſanctorum inuocatione, de ciborum delectu diſſerere neceſſe eſt? an non & uerbo & opere ſe Hugonotti Iouiniani, & Vigilatii ſectatores prædicant? Qua fronte igitur apologiæ auctor hæreticos eſſe negat, quos Manicheos, Pelagianos, Aerianos, Priſcillaniſtas, Iouinianiſtas, Vigilantianos, Berégarianos, Vvicleſiſtas eſſe negare non poteſt?

C A P. I X.

S E D ſingamus nunc, ut ad quartū & poſtremum caput ueniamus, nihil horum nos habere quæ hætenus protulimus, & à ſolo Tridentino cōcilio Hugonottorū ſententiā hæreticā eſſe iudicatam: unde queſo apologiæ auctor iudiciū hoc infirmabit? ego ſane in tota apologia nihil aliud inuenire potui, niſi clamores inanes, ſolidū argumentum nullum reperi. Pag. 71. ea ratio ſolū affectur, cur Tridentinum cōcilium generale & legitimum non ſit habendum, quod uideatur coactum ad regem Francorum in publicis conſultibus ſuo loco deiciendum, & ei regem Hiſpanorum anteponendum: quodque rex Chriſtianiffimus Episcopos Gallos ad id concilium

accedere prohibuerit, deinde pag. 90. additur illa ratio, quod cōcilii Tridētini decreta iurisdīctio in ecclesiasticos regi Frācorum ablata, vel imminuta videatur pag. 184. repetuntur pauca quaedā ex pestilentissimo lib. Caroli Molinei cōtra synodū Tridētinā, quod videlicet summus Pōtīfex officiū partis & iudicis in ea synodo gesserit? quod qui pro reformatione instabant, non sint auditi: quod ad scripturā probādā, & examinādā sint cōciliorum decreta, cum scriptum sit.

1. Io. 4. Nolite credere omni spiritui, sed probate nū ex Deo sint. Et oīa probate, quod bonū est, tenete.
1. Thef. Denique pag. 188. & sequentibus multa proferūtur Gallicāi regni ecclesiastica privilegia, quę decretis synodū Tridētinę videātur conuulsa aut violata. Atque hæc sunt, quę nō exigua cura, ac diligētia apologia auctor ex variis locis conquirere & contra synodū Tridētinam quasi in facie producere potuit. Quę sane nō tam concilia lædunt, quā in regem ipsum Francorū cōtumeliosa sunt. Quid enim aliud mendaciis suis iste molitur nisi toti orbi terrarū persuadere, regem Francorū schismaticum esse, uniuersali ecclesię inobediētem, à cœtu fidelium, atque orthodoxorū, qui Tridētinū cōcilium suscipiunt, alienum? sed nunquam id obrinebit. Extant enim litterę Caroli noni Francorum regis clarissimi ad synodum Tridētinam, datę mense Aprili anni 1562. in quibus & synodum œcumenicam venerant; & rationem reddit, cur episcopi Gallicani

Gallicani ferius ad conciliū venerint, & oratōrē designat, qui nomine Maiestatis suæ i cōcilio sedet, summi ordinis equitem Dominum de Lanfaco, virum clarissimū, cui etiam adiungit Renaldum Ferrerium præsidentem Parlāmēti, & Guidonē Fabrum iudicē maiore Tholosa, sed forte episcopi Gallicani, & regis Christianissimī oratores ad conciliū venerunt, sed in concilio ad finē vsque non manserunt immo vero cōstanter māserunt, & cū in sessione postrema acta omnia recogoscerentur, adfuerunt, & Episcopi calculū suū adiunxerūt. At Henricus ii. Episcopos Gallos ad conciliū ire uetuerat. Quid initio Rex Henricus egerit, non est hoc loco necesse curiosius perscrutari. non enim concillii admissio ex initio, sed ex fine petenda est, cuius tempore conciliū reieciſſe dicendus est, cuius tempore conciliū inchoatum est, non perfectum, sed ille uere cōciliū recepisse dici debet, quicōciliū perfectum atque absolutum, sui quoque regni Episcopis cooperatibus uidit, quique per legatos suos conciliū eo tempore cohonestandum censuit, quo acta omnia firmabantur, ac sanciebantur.

#### C A P. X.

Q V O D vero apologia huius auctor scribit, Tridētinam synodū in eum finem initio cōgregatam, ut rex Christianissimus suo loco detineretur, merum est hominis male sani figmentum. Est in manibus omnium liber, quo eius concilii

concilii acta, decreta, canones continentur. Euoluatur diligenter totus; nihil usquam eiusmodi reperietur. Ex actis autem in ipso concilio die 21 Iulii anni 1563. palam intelligi potest, non modo concilium nihil omnino tetasse, quod regis Francorum dignitas minueretur: sed ipsos etiam regnum oratores de hac re contendere in concilio noluisse, ne disceptationis huius occasione, concilii cursus vel minimū retardaretur; itaque cum bona omniū pace sedisse Gallum oratorem proxime post Cæsaris oratorem, ut uolebat, Hispanum vero extra ordinē alio loco. Quid quod ad tollendas omnes eiusmodi lites in ipsa prima sessione concilii salubriter est constitutum, ut si forte contingeret aliquem non suo loco sedere, nullum propterea præiudicium gigneretur, nullique nouum ius acquireretur? quod idem repetitum legimus sess. 25. cum iam concilium solueretur. Quare tantum abest, ut uerum sit quod aduersarius fingit concilium Tridentinum eo potissimū spectasse, ut Francorum regem infra regem Hispaniæ constitueret, ut potius diligentissime cauerit, ne contētionēs de locis, ac sedibus locum ullum in eo conuentu haberent, qui erat ad fide explicandam, & cōtrouērsias grauissimas componendas conuocatus. Et cur obsecro aduersarius qui alioqui tam prodigius est verborū, ut eadem sepius repetat & inculcet, hoc loco tam fuit verborum avarus, ut ne locum quidem ullum in tam magno concilio indicaerit, ubi



rit, vbi de controuersia ista sedium agatur? an est  
 vlla ratione probabile, præcipuam cōcilii curam  
 in eo sitam fuisse, vt regem Frācorū deprimeret,  
 & tamē de hac tāta re nullum vsquā in toto con-  
 cilio verbū extare? sed nō recte facio, qui aduer-  
 sus eum argumēta colligo, qui quod temere effu-  
 dit, ne tenuiter quidem probauit.

C A P. X I.

I A M illud sequitur, quod ex Carolo Molinæo  
 depromptum apologiæ suæ inferendū putauit  
 aduersarius. In Tridētiſo concilio summū ponti-  
 ficem partem, & iudicē simul fuisse: cum ipse cō-  
 cilium conuocauerit, & in eo per legatos, vt iudex  
 præfederit; & tamē ipse sit qui à Lutheranis potis-  
 simum accusatur. Sed facile est obiectionem istā  
 diluere. Neque enim Rom. pontifex priuari de-  
 bet, aut potest iure suo concilia conuocandi, atq;  
 in eis præsidendi, nisi prius in legitimo iudicio  
 conuincatur non esse amplius summus pontifex.  
 Siquidem illud ius per annos supra 1500. obti-  
 nuit. Neque vero in summo principe aq̃uitati  
 repugnat, vt idē sit pars & iudex. Princeps enim  
 supremus donec nō legitime declaratur excidisse  
 principatu, semper est iudex, etiamsi cū ipso lis  
 instituatur. Ac vt intelligas id neque nouum: esse,  
 neq; ab ecclesiæ institutis alienū: ad acta veterū  
 cōciliorum animum parumper aduerte. Cū san-  
 ctus Marcellinus Pontifex Rom. idōlis thus  
 adhibuisset, atque eius criminis causa Sinues-

C

ia

ita ingens concilium conuenisset: nemo tamē au-  
 sus est in eum sententiam dicere, sed exclamarūt  
 Episcopi vna voce, tuo ore iudica causam tuam,  
 non nostro iudicio: noli audiri in nostro iudi-  
 cio, sed collige in sinu tuo causam tu. Quia pri-  
 ma sedes non iud. cabitur à quoquā. Quę omnia  
 & in actis concilii extant, & à Nicolao primo Pō-  
 tifice optimo, & doctissimo ī epistola ad Michae-  
 lem Imperatorem commemorantur. Sixtus ter-  
 tius cum à quibusdā adulterii reus perageretur,  
 concilium ab imperatore cōgi voluit; sed non  
 ante Episcopi cōgregati causam cognoscere  
 ausi sunt, quam à pontifice audiuisent, velle se  
 ut causa iudicaretur, tamen in arbitrio suo  
 esse non ignoraret etiam non iudicari. In cōcilio  
 4. Romano sub Symmacho legimus Episcopos  
 in causa eiusdem Symmachi congregatos pa-  
 lam assensisse, non potuisse concilium, nisi à pon-  
 tifice iure iudici, etiamsi ipse esset, qui accusa-  
 retur. Scribit Paulus Aemilius lib. 3. de rebus ge-  
 stis Frācorum, Carolum Magnū aliquādo Romę  
 in cōcilio Episcoporum, qui ex tota Italia, & Frā-  
 cia simul conuenerāt, sentētias rogare cōpisse in  
 causa papę Leonis, qui à quibusdā reus magni  
 criminis asserebatur: sed episcopos una uoce  
 Carolo respondisse, sedem Apostolicam om-  
 nium ecclesiarum caput à nemine posse iudi-  
 cari. Quare imperatore acquiescente, ponti-  
 ficem sponte sua iureriurādo crimen quod  
 ei falso obiciebatur, diluissē. Ac ut ad prima-  
 na eccle-

ria ecclesie concilia ueniamus, nonne Arius cū Alexandro de fide quondam litigabat? & tamen in concilio sedit iudex cum cæteris coepiscopis suis. Alexander in synodo prima Ephesina nonne Cyrillus Alexandrinus præfedit, ut Cælestinus Rom. pontifex iusserat, qui tamen altera pars litigatiū a Nestorianis dicebatur? In synodo Chalcedonensi quis alius, quæso, nisi Rom. pontifex Leo per legatos præfedit, cum tamen causa tota inter ipsum Leonem, & Dioscorum uersaretur? His accedit, quod cum in synodis nō solus Papa sit iudex; sed multos habeat collegas; si uere conuinci possit in heresim incidisse, plane iudicari, & deponi poterit uel inuitus. Nihil igitur est, cur Tridentinum Concilium minus legitimū uideatur, quod à Rom. Pontifice fuerit congregatum.

#### CAP. XII.

IAM uerò quod clamat, & nō semel reperit aduersarius, in Tridētino Cōcilio protestātes auditos, nō fuisse. Primū refellitur ex eo libro, quē ipsi cū hac inscriptionē protestātes ediderūt. Causæ cur electores Principes aliquē addicti confessioni Augustanæ ad Concilium Tridentinum non accedant. Siquidem in eo libro fatentur, se à Pontifice Maximo ad commune concilium inuitatos, ut cum catholicis de religionis controuersis disceptarent. Deinde extant in ipso concilio tribus in locis sess. 13. 15. & 18. amplissimi saluiconductus, quibus protestantibus li-

bertas concedebatur ad concilium veniendi, dis-  
serendi, respondendi, & quicquid aliud vellent  
libere proponendi; necnon pro arbitrio in loco  
concilii commorandi, atque inde sine ullo peri-  
culo recedendi. Qui quod non solum concilii pa-  
tres frequenter aduersarios amicissime inuitarunt,  
atque ad conferendum ex verbo Dei de præsen-  
tibus controuersis prouocarunt, sed etiam vt ex  
iisdem sessionibus cognosci potest, definitiones  
grauissimarum questionum ob eorum absentiam  
in longum tempus sæpe distulerunt. Quæ cum  
ita sint, qua fronte queri possunt aduersarii, se  
auditos in concilio non fuisse? quomodo enim  
audiri poterant, qui coram apparere nunquam  
voluerunt?

#### C A P . . X I I I . .

S E D magnum præsidium scilicet habent ad-  
uersarii in illis Apostolicis verbis, Probate spiri-  
tus scilicet Deus sunt. Et in illis, Omnia probate,  
quod bonum est tenete: nimirum licebit unicui-  
que iudicem se conciliorum facere. At non loquun-  
tur Apostoli de rebus certis, & ab ecclesia defini-  
tis, sed de nouis, ambiguisque sententiis. Alioqui  
enim si omnia omnino probanda sunt an sint ex  
Deo, & antequam probentur, non recipienda: igitur  
spiritum conciliorum Nicæni, Constantinopolitani,  
Ephesini, & Chalcedonensis probare nobis lice-  
bit: & , quod inde sequitur, hæreses Arii, Mace-  
doni, Nestorii, Euthychetis, iterum erunt i con-  
trouerſiam reuocandæ . Et quid ego concilia  
loquor?

loquor? Ipsa verba scripturæ diuinæ, ipsa oracula prophetarum, historiæ Mosis, psalmi Dauidis, epistolæ Petri, Pauli, Ioannis, Iacobi, Iudæ, ipsa denique euangelia probanda erunt, & examinanda. Cur enim nō in his locis habeat; Probate spiritus; & oīa probate? Quod si ea quæ semel in legitimis cōciliis p̄bata & cōstituta sunt, certa & explorata sunt habenda, neque vllā ratione in dubium reuocanda: vt etiam lege sua cauit prudentissimus imperator Marcianus C. de sum Trin. & si. catho. l. Nemo. nulla ratio est, cur Tridentini concilii cœcumenici atque à sede Aposto'iqua approbati, & tōtiis Christiani orbis consensione recepti decreta in dubium reuocari patiamur. Deinde si res etiam iudicatæ, ac definitæ in questionem vocari possent, quis esset controuersiarū finis? nam si concilii decreta priuati homines examinare queunt, maiore certē ratione concilium rursus de priuatorum hominum cēsura iudiciū feret. Quare iudicia, atque censuræ perpetuo in orbem redibunt, & dum semper spiritus probatur, nihil erit v̄mquam stabile, atque certum. Sed alia est doctrina, alia sententia scripturarū. Moses in Deuteron. cap. 17. cū dixisset, Si difficile, atque ambiguum apud te iudicium esse perpexeris, & c. surge & descende ad locum quem elegerit Dominus Deus tuus, veniesque ad sacerdotes Leuitici generis, & ad iudicem qui fuerit illo tempore, quaresque ab eis, qui indicabunt tibi iudiciū veritatem. Non addi-

dit, proba spiritum iudicis & sacerdotum; sed Qui superbierit nolens obedire sacerdotis imperio, qui eo tempore ministrat Domino Deo tuo, ex sententia iudicis morietur. Neq; absimile est, quod in euangelio dominus loquitur Matt. 23 super cathedram Moſis ſederunt Scribæ, & Pharifæi, quæcunque dixerint uobis ſeruate & facite. Et Apoſtoli in concilio Act. 15. Viſum eſt (inquit) ſpiritui ſancto, & nobis nihil ultra imponere uobis oneris, quam hæc neceſſaria. Et beatus Paulus, qui aliquando ſcripſit, omnia probate; noluit tamen probari dogmata concilii Apoſtolici, ſed (ut S. Lucas ſcribit Act. decimoſexto) cum pertrãſſiret ciuitates, tradebat eis cuſtodire, quæ decreta erant ab Apoſtoliſ, & ſenioribus in Hieruſalem. Maneat igitur uerba illa ſcripturæ, probate ſpiritus, & omnia probate, non ad conciliorum legitimorum, & generalium decreta referendum eſſe, ſed ad priuatorum hominum reuelationes, & doctrinam, præſertim ſi noua, dubia, inaudita, receptæ atque approbatæ doctrinæ contrariæ, aut non omnino congruens & conſentiens eſſe uideatur.

## CAP XIII.

ULTIMA reſtat obiectio, quod Tridentinum Concilium multa decreuerit aduerſus regni Gallici libertatem, atque ideo in eo regno receptum non ſit. Sed hæc obiectio ad rem nihil facit. Neque enim hoc loco de iuriſdictione eccleſiaſtica, uel ſeculari, ſed de fido

fide tantum. & religione agimus. Nam id est nobis propositum, ut ostendamus Hugonottorum hæresim in legitimo concilio esse damnatam. Quare licet in Gallia decreta Concilii, quæ ad reformationem pertinet, non sint omnia adhuc recepta, atque admissa, de qua re non putavi operæpretium nunc disserere: tamen in iis quæ ad controuersias fidei spectant, Conciliū Tridentinum non minus in Gallia, quam in reliquo orbe christiano receptū esse nemo negare potest. Certe ab episcopis omnibus, qui in uniuerso regno Francorum Christi ouibus præsunt, Concilium hoc receptum esse ipse quoque aduersarius confitetur pagina 187. Quis uero sibi persuadeat aliam esse fidem, & religionem in Gallia episcoporum, aliā regis Christianissimi, & populi catholici? Quomodo enim Rex Christianissimus dici posset, si ab episcopis omnibus in negotio fidei dissenteret? & populus qua ratione ad Christi ouilia pertineret, si nullos omnino pastores agnosceret? Quæ cum ita sint, non potest Concilium Tridentinum in explicanda fide catholica ab episcopis omnibus Francis esse receptum, quin simul etiam à religiosissimo Christianissimoque rege, & catholico eiusdem populo sit receptum. Quod si ab episcopis, à rege, à clero, & populo Regni Francorum fides Concilii Tridentini debita cum ueneratione suscipitur, ut re ipsa suscipitur, certe Hugonottorum errores, ac proinde etiam Nauarreni in ea synodo indicati

ac damnati sunt, quam in causa fidei legitimā,  
& æcumenicam fuisse non Italia solum, & Hispania, sed Francia quoque, & cæteræ omnes catholice prouinciæ consentunt.

## P A R S T E R T I A.

### C A P. XV.

**R**ESPONDIMVS hætenus ad ea, quæ apologiæ auctor in medium attulit vt probaret Henricum Nauarrenum, quamuis Hugonortum, non esse hæreticum. Sequitur, vt ad ea respondeamus, quibus idem auctor nititur affirmare, non posse reges iure successionis, vel imperii & iurisdictione sua propter hæresis crimē ab apostolica sede priuari. Initio igitur in 2. parte apologiæ nu. 8. pag. 61. ubi disputationem de iure ingreditur aduersarius. nō negat extare per multa pōtificū, & Cæsarum rescripta, & conciliorū etiā genaraliū decreta, quibus hæretici priuantur omni successionis iure: sed excipit illis omnibus seu legibus, seu canonibus priuatos tantū homines respici, quorū bona & successiones legibus politicis magistratuum subiiciuntur; Imperiorum vero, & regnorum, longe aliam rationē esse. Deinde pag. 62. probat, ut ipse quidem existimat, ex diuinis literis non posse reges de solio deiici ulla de causa, quod regna demanu Dei, non hominum obtineantur. Tertio pag. 71. nititur demonstrare, non debere principes hæreticos  
tempora



temporalibus pēnis terri, quod hærēsis animorum non corporum sit. ægritudo, proinde spiritali nō corporali pharimaco curāda sit. Quarto confirmat id ipsum pag. 112. maiorum nostrorum cōsuetudine, qui imperatores, ac reges hærēticōs æquo animo tolerauerunt. Quinto pag. 131. contendit Romanū pontificem nullam habere in reges, ac principes potestatem, & pag. 156. adiūgit id pouissimum locum habere in regno Francorū, ubi principes eo priuilegio gaudēt, vt neque ab episcopis, neque a summo pontifice excommunicari possint. Atque hęc sunt quæ aduersarius in hac disputatione sine vilo pēne ordine, infinitis parergis admittis, attingit. Vt igitur à primo incipiā, quod aduersarius assumpit, & non probauit, eius ego vehemēter admiror vel imprudentiam, vel malitiam, nam cum plurima extent decreta canonica, quibus hærēticī cuiuslibet gradu, & dignitatis temporalibus bonis priuantur, eaque aduersario nō incognita fuerint, quippe quæ ab ipso infra citantur pag. 158. si non aduertit se sibi in eodem libro apertissime repugnare, imprudens; si aduertit, improbus fuerit necesse est, cum tam audacter asseruit, decretis canonicis priuatos solum homines, non autem principes respici. Sed canones ipsos recitemus. cap. Absolutos. Extra de Hærēti. ita legimus. Absolutos se nouerint à dubio fidelitatis domino, & totius obsequii, quicumque captis manifeste in hærēsim aliquo pacto quacumque firmitate

te uallate tenebantur obſtricti . An hoc decretum non ad principes maxime pertinet ? à quorū obedientia, & fidelitate ſi' abſoluuntur populi, cō ſequens eſt, ut principatu ſimul ipſi deſiciantur. cap. Excommunicamus, eo. tit. paragr. Moneā-  
tur, rursus in hæc uerba legem ſancit Cōcilium  
œcumenicum, atque ab omnibus orthodoxis  
debita ueneratione ſuſceptū ; Moneantur, & in-  
ducātur, & ſi neceſſe fuerit, per cēſurā eccleſiaſti-  
cā compellātur ſæculares poteſtates cuiuſcūque  
officii, ut ſicut reputari cupiunt, & haberi fideles,  
ita pro deſenſione fidei præſtēt publice iuramen-  
tum, quod de terris ſuæ iuriſdictiōi ſubiectis, uni-  
verſos hæreticos ab Eccleſia deſignatos, bona  
fidē pro uiribus exterminare ſtudeant, ita quod  
à modo quodcumque quis fuerit in poteſtatē  
ſue ſpiritualem, ſue temporalē aſſumptus, hoc  
teneatur capitulū firme. Si uero dominus tempo-  
ralis requiſitus & monitus ab Eccleſia, terrā ſuā  
purgare neglexerit ab hac hæretica ſeditate, per  
Metropolitanos, & comprouinciales Episcopos,  
excommunicationis uinculo innodetur, & ſi ſatis-  
facere cōtempſerit infra annū, ſignificetur hoc  
Summo Pōtifici, ut ex tunc ipſe uafallos, ab eius  
fidelitate denuntiet abſolutos, & terram expo-  
nat catholicis occupandam, qui eam exter-  
minatis hæreticis, ſine ulla contradictione  
poſſideant, & in fidei puritate conſeruent, ſal-  
uo iure domini principalis, dummodo ſuper  
hoc ipſe nullum præſtet obſtaculum, nec ali-  
quod

quod impedimentum opponat, eadē nihilominus lege seruata circa eos, qui non habent dominos principales. Hæc ibi. Si igitur Principes temporali sua iurisdictione priuantur, cum hæreticorum extirpationi negligenter operam nauant: quanto maiori ratione priuandi erunt, si hæretici ipse fiant; atque in locis suæ potestati subiectis hæresim fouere, ac propagare conentur? His accedunt decreta Greg. vii. & Urbani i. quæ habentur apud Gratianū c. Nos sanctorum, & can. iuratos. i. 5. q. 7. ubi liberantur à iuramento fidelitatis qui principi ab Ecclesia excōmunicato tenebātur obstricti. Porro mentem eorum qui canones cōdiderunt, etiam si in eis principum mentio nulla fieret (ut re ipsa fit) non eam fuisse, ut Reges atque Imperatores exciperent à communibus legibus in hæreticos latis, exempla, & res gestæ declarāt. Gregorius secundus Pontifex Rom. Leonem imperatorem hæreticum, iconoclastam, id est, illa ipsa hæresi laborantē, qua Nauarrenum, & omnes Hugonottos laborare aduersarius non negabit, non excōmunicauit solū, sed etiā ea Imperii parte multauit, quæ in Italia erat. Vetuit enim Italis, ne illum pro Imperatore agnoscerent, neue illi deinceps ulla tributa, aut uestigalia soluerent. Scribunt autem hanc historiam non solum Cedrenus, & Zonaras in uita Leonis Isauri, sed etiam Magdeburgenses Lutherani in historia ecclesiastica, centuria 8. cap. 10. Zacharias item summus Ecclesiæ catholice Pastor,

cum

cum accepisset ob socordiam Childerici Franco-  
rum regis & religioni & regno in Gallis extre-  
mum exitium imminere, à primoribus Franco-  
rum rogatus, populos à iuramento, quo Childeri-  
co tenebantur absoluit, & Pipinū regem creari  
mādauit. Annales Francorū antiquissimi sic ha-  
bent: Data auctoritate sua, Zacharias iussit Pipinū  
regem constitui, & infr, secundū Rom. pontifi-  
cis sanctionē Pipinus rex Francorū appellatus est.  
Gregorius pōtifex septimus, Henricū quartū im-  
peratorem tum ob alia multa scelera, tum potis-  
simum ob simoniacā labem, quam veteres hære-  
sim Simonis appellare solent, excommunicauit,  
& simul imperio, quod annos iam multos tenuer-  
at, decreto suo priuauit; cuius rei plenæ sunt om-  
nes historiæ. Sed vnum Murianum Scotum eo-  
rum temporum æqualem pro omnibus audia-  
mus. Sic igitur ille scribit in chronico anni 1075.  
hæc & similia nefanda, & inaudita Henrici regis  
flagitia uidentes & audientes fieri catholici uiri  
per id tempus in ecclesia constituti, cum prophē-  
ta Helia zelo Domini zelantes pro domo Israel,  
directis Romam nuntiis ad Alexandrum apo-  
stolicæ sedis antistitem hæc ei, & alia quamplu-  
rima, quæ in regno Theutonico insanientibus  
simoniacis hæreticis, rege Henrico auctore, &  
patrono dicta & gesta sunt, tam litteris, quam  
uiua noce gemendo, ac dolendo conquesti sunt,  
& infra. Gregorius querimoniis & clamoribus  
catholicorum iustis aduersus Henricum & scē-  
lerum

lerum eius immanitatem auditis, zelo Dei accē-  
sus iam dictum regem excommunicatum pro-  
nuntiauit, maxime propter simoniam: quod fa-  
ctum catholicis quidem viris bene placuit; simo-  
niacis, vero, ac fautoribus regis, nimium displi-  
cuit. hæc ille.

C A P. X V I.

Q V O N I A M igitur decreta Ecclesie clarif-  
sima extāte quibus principes in causa hæresis  
temporalibus pœnis, amissionis etiā regnorū atq;  
imperiōrū subiciūtur : videamus, nū ea decreta  
diuino iuri congruēta sint, an illi potius, vt con-  
tendit aduersarius, repugnent. Imperia atque re-  
gna (inquit aduersarius) à manibus legitimorū  
dominorū auelli non possunt siue ex hæresi,  
siue ex alia quacumque causa, quia immedia-  
te de manu Dei æterni, ac non hominum obtine-  
tur. Id autē ita esse probat ex illis scripturæ diui-  
næ testimoniis, Per me reges regnant, &c. pro-  
uerb. 8. Vt viuētes intelligant, Altissimum do-  
minari in regno hominum, & dare ipsam cui  
vult, &c. Dan. 4 Feci terram, & hominem, &  
bestiam, quæ est in superficie terræ potentia  
mea, & dedi eam cui visum est dare, &c. Hier. 7.  
Time regem, Rom. 13. Dabo tibi regē in furore  
meo. Osee 13. Facit vt regnet hypocrita ob pec-  
cata populi. Iob. 34. quibus ad lit Isidori senten-  
tiā ex Gratiani decreto, Difficile est reuocare prin-  
cipem ī melius, si vitiis deditus est, quia popula-  
res metuunt magistratū, Reges autem nisi retra-  
hantur.

hantur solo timore Dei, & tormentorum infernaliū metu : præcipitant se in omnem licentiam, & se abire sinunt in abyssum peccati. Hæc sunt videlicet rot uisissima illa argumenta, quibus demonstrari existimat aduersarius, regna immediate donari à Deo, & propterea nō posse vlla de causa de manibus legitimorum principum auferri. Piget profectō me cum eiusmodi homine disputare, qui neque dialecticā tenet, neq; philosophiā degustauit vīquam, neque scripturas, nisi negligentissime legit, ac ne ipsam quidem, quam profiteretur, iurisprudentiam callet. Quid enim, quæso, loca illa scripturæ? quid Isidori testimonium ad rem faciunt? vbinam in testimoniis allegatis habetur, immediate regna donari à Deo? A Deo regna concedi, regem esse timendum, improbum regem in omnem sceleris licentiam ruere, quis vīquam negauit? at num ideo colligendum erit continuo, immediate regna donari à Deo, neque vlla de causa tolli posse? nam si ita licet argumentari, efficiam etiam priuatis hominibus quidquid tandē habet, immediate à Deo dari, nec posse vlla de causa id illis auferri. Apostoli Pauli verba sunt, Act. 14. Et quidē nō sine testimoniō semetipsum reliquit benefaciens de cœlo, dās pluuias, & tempora fructifera. implens cibo, & lætitia corda nostra. & cap. 17. idem Apostulus, Deus qui fecit mundum & omnia quæ in eo sunt. Hic cæli, & terre cum sit Dominus, non in manufactis templis habitat, nec

manibus

manibus humanis colitur indigens aliquo, cum ipse det omnibus uitā, & inspirationem, & omnia. Colligamus nunc iuxta dialecticam aduersarii argumentū hoc modo. Deus dat omnibus uitam, inspirationē, cibum, & omnia; ergo immediate omnia dantur à Deo; ergo neque ab hæresim, neque ob ullum aliud scelus priuari possunt homines uita uel facultatibus: iniusti sunt igitur omnes magistratus, qui latrones, falsarios, proditores, maleficos, aliosque id genus homines, uel facultatum ablatione, uel morte ipsa multāt. Quis ferat hominem ita absurde perniciosēque ratiocinantem? atque tale omnino est argumentum aduersarii. Deinde institutiones regnorum ex electione humana originem ducere, & ad ius gērium pertinere, usque adeo notam est omnibus, ut ne ipse quidem aduersarius id negare poterit: neq; enim iure naturali, quod est à Deo immediate, fit ut genus humanum per monarchiam potius, quam per Aristocratiam, aut Dimocratia, uel alia aliquem fortunam regiminis gubernetur. Alioqui iniuste & illicite essent omnes Respublicæ, quales intra Ecclesiam catholicam multas videmus, non siue magna laude florere. Et ubi regna constituta sunt, non est à Deo immediate factum, ut hæc familia potius, quam illa regnum teneret, sed populi consensu, & uoluntate reges sunt instituti: siue initio electionum libera, quod rarissimum fuerit, populus in aliquem unum uirum, grauem & sapientem ius suum

transu-

translulerit; siue quod frequentius accidit, tyrannice, ac violenter oppressus, atque armis & potentia domitus, paulatim domitoris sui regiam potestate approbare ceperit & amare. Ac ne longius nobis excurrere, & argumēta in re perspicua querere necesse sit, aduersarii nostri verba ponamus Pag. 64. sic ait. Populus totam potestatem suam transtulit in manum regis. Quod si ita est, ut reuera est, non igitur de manu Dei immediate, sed per humanum cōsiliū, & consensum regna cōstituuntur. Id quod ex illis ipsis testimoniis scripturarum confirmare possumus, quæ pro se attulit aduersarius. Primus ille locus ex 8. capite Proverb. Per me reges regant, & legum conditores iusta decernunt; ita docet reges à Deo habere ut regnēt, quemadmodum ab ipso habere, ut iustas leges condant. Porro ut iustas leges condant, non habent à Deo immediate, quasi Deus illis dormientibus, ut quondam Salomoni, sapientiam infundat, aut leges dicat; sed consilio, prudentia, industria, & labore suo, Deo iuuante, legum conditores iusta decernunt; Vnde etiam humanæ non diuinæ leges appellātur. Sic igitur & reges à Deo habent, ut regnent, quia cum sapientiæ donum, quod in eo loco præcipue commendatur, illis adest, tum demum uel ad regnum legitime iusteque perueniunt, uel regnum iam adeptum prope gubernant, & moderantur.

Alter locus ex cap. 4. Danielis de prouidentia Dei concionatur: qua regna subinde mutantur, &



tur, & de gente in gentem, de prouincia in prouinciam transferuntur. Prouidentia uero non tollit, sed regit humana consilia. Itaque non illa solum dicitur Deus facere, quę immediate facit; sed ea quoque quę, prouidentia ipsius dirigente, uel permittente suo labore, & consilio, homines faciunt. Id quod in regnis Babyloniorum & Assyriorum, de quibus plenę sunt scripturę diuinę, manifeste perspicimus; certe enim Nabuchodonosor, de quo Daniel loco citato loquitur, tantum abest, ut tam ingens regnū immediate à Deo habuerit, ut non nisi iniusta oppositione gentium plurimarum, ui & armis ad eam potetiam deueniret, ob quam etiam postea seuerè à Deo punitus fuit; & tamen quia diuina prouidentia, quę rebus etiam malis bene uti nouit, improba illa regnandi cupiditate, quam in Nabuchodonosore esse uidebat, tamquam uirga furoris sui ad gentes alias puniendas uiuoluit, dicitur Deus illi regnum illud maximū, & nobilissimū cōcessisse. Hier. 27. ego dedi, ait Dominus, oēs terras in manu Nabuchodonosor regis Babylonis. Sed quomodo dederit, audi Isaiā c. 10. Assur uirga furoris mei baculus ipse est, in manu eorū indignatio mea. Ad gentē fallacē mittā eū, & cōtra populum furoris mei mādabo illi, ut auferat spolia, & diripiat prędā, & ponā illū in conculcationē quasi lutum platearum. Ipse autem non sic arbitrabitur, & cor eius non sic existimabit, &c. Hoc enim loco aperte uidemus, missum dici à Deo regem

D

Assyrio-

Assyriorum ad occupandam, & diripiendam provinciam Palæstinæ : non. quod præceptum habuerit, vbi obedientia laudaretur: sed quia permisit Deus, vt cupiditatem suâ expleret in eum populū, qui tali pœna dignus erat: puniendus etiam ipse postea, quod alienā provinciam nullo iure sibi vendicasset, id enim sequitur in Isaia. Et erit cum impleuerit Dominus cūcta opera sua in monte Sion, & in Hierusalem, visitabo super fructū magnifici cordis regis Assur, & super gloriam altitudinis oculorū eius, &c. Ad eundem modum intelligenda sunt alia loca ex Hieremiz, Osea, & Iob ab aduersario in medium allata. Illud autem ex Apostolo, regem time, quorsum pertinet, obsecro? an timendus rex non erit, nisi constet immediate esse creatum à Deo? Denique illud Isidori postremo loco allatum nihil aliud efficit, nisi reges potentissimos si probi esse nolint, vix posse, ac ne vix quidē, vt plurimum ad rectā viam traduci, cum plerumq; fiat, vt nemo sit, qui eos licet iure damnatos, re ipsa cogere, & coercere queat. Exempla non pauca in hac ipsa apologia proferuntur, vt Lodouici iiii. & FridERICI ii. Imperatorū, necnō Boleslai Poloniæ, & Henrici octauī Angliæ regū, qui licet ab Apostolica sede, imperiis regnisque priuati, re ipsa tamē & in regno, & in improbitate manserūt. Vbi tamē illud nō est prætereundum, Isidorum non scribere, nullum esse à quō reges in ordinem cogi possint; sed difficile esse reuocare principem

in me-

In melius. Quod quidem, ut verissimum esse dubitari non potest, ita nihil omnino cōtra sententiam nostram pugnat. Quæ cum ita sint, tota illa aduersarii ratiocinatio cōcidit, regna donātur à Deo, nō igitur vlla de causā de manu legitimorū dominorum auelli queūt. Quare non probauit, quod uoluit aduersarius. Nos autem cōtra facile probabimus posse legitimos principes ob hæreticam labem, usq; adeo iustè principatu priuari, ut nullam habeant causā querimonie. Cū principes politici ad ecclesiam ueniunt, ut Christiani fiant, recipiuntur illi quidem, sed cum pacto expresso, uel tacito, ut scepra sua Christo subiiciant, & Ecclesiam catholicam non euerant, sed tueantur pro uiribus, ac defendant: & nisi id fecerint, puniri possint etiam regni amissione: non enim alioqui est apertus regno Dei, neq. tuto ad sacramentum baptismi admitti potest, qui non est paratus Christo seruire, & propter ipsum amittere quicquid habet, cum dominus dicat in Euangelio Luc. 14. Si quis uenit ad me, & nō odit patrem suū, & matrem, & uxorem, & filios, & fratres, adhuc autē & animā suam, non potest meus esse discipulus. Et rursus in eodem loco, Qui nō renūtiat omnibus quæ possidet, nō potest meus esse discipulus. Quæ loca, ut sanctus Augustinus recte, exponit in epist. 5. ad Marcellinum, sic intelligenda sunt, ut is non possit Christi esse discipulus, qui non est paratus carere potius uxore, liberis, parentibus, opibus,

honoribus, & ipsa etiam vita, quam vt Christū offendat; Deinde cum Deus in Deuteronomio cap. 17. seuerè prohibeat Regem fieri, qui non sit de fratribus nostris, ne videlicet populum pertrahat ad cultum Deorum alienorum: quò iurè posset Ecclesia regem aliquem in cētum suum admittere, qui vellet impune fouere sectas, Hæreticos defendere, religionem euertere, Ecclesiā demoliri? Hinc videlicet sanctus Remigius (sancto Gregorio Turonico teste lib. 2. historię Francorum cap. 31.) Clodouem Regem Frācorum baptizatur, ita ad illum loquutus fertur. Mitis deponere colla Sicamber, adora quod incendiisti, incende quod adorasti. Hinc etiam in more positum est apud omnes catholicos reges, vt in ipsa solemnī inauguratione se catholicā fidem defensores iurent, quare nullam profectò iniuriam regibus Ecclesia facit, cum eos admonet, illisque imperat, vt politica sua potestate recte vrantur, legibusq; & penis impios & blasphemos, atque in primis hæreticos comprimāt: & nisi id faciāt, à cētū suo illos excludit, principatu super catholicos priuat, & fidelibus populis ne illis obtemperent, iubet. Neque obstat, quod aduersarius passim clamat, diuino mādato populos obligari, vt regibus suis obtemperent, & fidem iureiurando firmatam, integram præstent. Neque enim Ecclesia docet regibus, dum tales permanent, non esse parendum, sed excommunicando, ac deponendo efficit, ne sint reges, & tum demum

populos

populos ab obedientia, & fidelitate liberos esse denuntiat. Nam & creditoribus diuino iure debita solui debent: sed si qui creditores erant, desinant esse creditores, simul & cessat obligatio debita persoluendi. Adhæc possunt, aduersario teste pag. 171. reges abdicare se principatu, & eo modo populos à fide & sacramento sibi præstito liberare, atque ita efficere ne peccent in Dei legem, qui sibi non parent. Quemadmodum igitur populi nihil in Dei præcepta committunt, si regi, sponte se abdicanti, obediētiam denegant; si etiam nihil peccant, si regi ab Ecclesia iusta de causa deposito, atque in ordinem priuatorum redacto obtemperare recusant. Porro hæc omnia multis exemplis confirmari possent, sed ego ero contentus vno, quod est huius loci proprium, & ad rem maxime facit. Childericum legitimum Francorum Regem non obstante lege naturalis successionis, & iuramento fidelitatis, & obedientia quam diuino iure populi regibus debent, inuitum deiectum de solio, & in eius locum regem alium substitutum, nullus omnino negat, & ipse etiam in hac apologia aduersarius cōfiteatur. Id autem rite ac legitime factum esse nō negant, qui regibus Francorum, qui ab eo tempore in Galliis imperarunt, iniuriam facere nolunt. Sed neque negari ulla ratione potest: nam in primis id factum laudant omnes ueteres, qui de ea rescripserunt: deinde causa existit maxima: nam (ut scribit sanctus Bonifacius in epist. ad Zachariam) ob socor-

D 3 diam

diam Childerici, & superiorum regum totis 80. annis nullæ habitæ fuerant in Gallia synodi, ecclesiæ a laicis & publicanis occupabantur, clerici passim cōcubinas quatuor, aut quinque simul obtinebant, religio omnis fæde cōculcata, & dissipata parum abesse ab extremo exitio videbatur. Ad hæc auctores eius facti sanctissimi viri fuerūt, qui enim fieri iussit, Zacharias fuit, Pontifex omnium consensu optimus, qui exsequutus est, sanctus Bonifacius episcopus & martyr, qui certe auctores iniustitiæ & sceleris publici numquā fuissent. Euentus denique manifeste docuit, rem illam Deo gratam, & Francis omnibus utilissimam fuisse: numquam enim regnum Francorum potentius, aut religio in Gallia florentior fuit, quam temporibus Caroli & Pipini. Maneat igitur posse aliquando legitimos principes iure ac rite iurisdictione sua priuari.

## CAP. XVII.

SEQUITUR nunc ut paucis illud excutiamus, quod tertio loco posuimus, an ideo principes hæretici tēporalibus pœnis afficiendi nō sint quod hæresis morbus animi, nō corporis sit. Sic enim loquitur aduersarius pag. 71. Præterea id  
 “ confirmo, nō esse in armis rationē curandi hoc  
 “ malū petita. An nescitis cum de cetera religionis  
 “ agitur, errorē in religione morbū esse animæ, &  
 “ spiritus; quid ergo vos inuestigatis medicamēta  
 “ spiritualia in his curandis morbis? & infra  
 “ pag. 146. quod de hæresi dixerat, ad alia pecca-

ta, quæ in Deū committuntur, extendit. Qui autem, inquit, in Deū peccat, ut dicebat Alex. Seuerus, satis Deū habet ultorem. Deus enim optimus maximus supplicium totum sibi reseruauit, ut peccator occasionem præbeat cum agnoscendi culpam, tum resipiscendi in hoc mundo. Hæc ille. Qua sententia nihil absurdius, nihil perniciosius, nihil à ueritate magis abhorrēs dici potuisse censeo. Nam si peccata quæ in Deum p. oprie admittuntur, soli Deo punienda reseruanda sunt; libera sint igitur apud Christianos periuria, sacrilegia, blasphemiae, neque id solum: sed rursus impune templa Diis aperiantur, fabricentur idola, sacrificia Ioui, & Saturno cæterisque dæmonibus offerantur. Et si morbi animorum solis spiritualibus pharmacis curandi sunt, nulla omnino peccata principum legibus puniantur: neque enim furta, adulteria, fraudes, corruptele, falsa testimonia, scelera, & flagitia cætera corporum morbi sed animorum ægritudines, & uitia sunt. Sed longe alia est scripturarū sanctarum, & Ecclesiæ Christi sententia. Deuter. xiii. Si surrexerit, inquit dominus, in medio tui pphētes, aut qui somniū uidisse se dicat, & prædixerit signum atque portentum, & euenerit quod loquutus est, & dixerit tibi: Eamus & sequamur deos alienos quos ignoras, & seruiamus eis: non audies uerba prophætæ illius, aut somniatoris: quia tentat uos Dominus Deus uester, ut palā fiat utrū diligatis eum an non, in toto corde, & in tota anima uestra,

Dominum Deum uestrum sequimini, & ipsum  
 timeate, & mādāta illius custodite, & audite uocē  
 eius; ipsi seruietis, & ipsi adhærebitis. Propheta  
 autē ille, aut fictor somniorū interficietur: quia lo-  
 quutus est, ut uos auerteret à domino Deo uestro,  
 qui educit uos de terra Aegypti, & redemit uos  
 de domo seruitutis; ut errare te faceret de uia,  
 quam tibi præcepit dominus Deus tuus: & aufe-  
 res malum de medio tui. Si tibi uoluerit persua-  
 dere frater tuus filius matris tuæ, aut filius tuus  
 uel filia, siue uxor, quæ est in sinu tuo, aut amicus  
 quem diligis ut animam tuam, clam dicens. Ea-  
 mus, & seruiamus diis alienis quos ignoras tu, &  
 patres tui cunctarū in circuitu gentium quæ iux-  
 ta uel procul sunt, ab initio usq; ad finē terræ:  
 non acquiescas ei, nec audias, neq; pareat ei ocu-  
 lus tuus, ut miserearis, & occultas eum: sed statim  
 interficies. Sit primum manus tua super eum, &  
 post te omnis populus mittat manum. Lapi-  
 bus obrutus necabitur: quia uoluit te abstrahere  
 à domino Deo tuo, qui eduxit te de terra Aegy-  
 pti, de domo seruitutis. Ut omnis Israel audiens  
 timeat, & nequaquam ultra faciat quippiam hu-  
 ius rei simile. Si audieris in una urbium tuarum,  
 quas Dominus Deus tuus dabit tibi ad habitan-  
 dum dicentes aliquos. Egressi sunt filii Belial de  
 medio tui, & auerterunt habitatores urbis  
 tuæ, atque dixerunt. Eamus & seruiamus  
 diis alienis quos ignoratis. Quære sollici-  
 te, & diligenter rei ueritate perspecta, si  
 inueneris



inueneris certum esse quod dicitur, & abomina-  
tionem hanc opere perpetratam; statim percu-  
ties habitatores urbis illius in ore gladii, & dele-  
bis eam, omniaque quæ in illa sunt usque ad  
pecora. Quicquid etiam supellectilis fuerit con-  
gregabis in medio platearum eius, & cum ipsa  
ciuitate succendes, ita ut uniuersa consumas do-  
mino Deo, & sic tumultus sempiternus, non edi-  
cabitur amplius, & non adhærebit de illo ana-  
themate quidquam in manu tua, ut auertatur  
Dominus ab ira furoris sui, & misereatur tui, mul-  
tiplicetque te, sicut iurauit patribus tuis. Quan-  
do audieris uocem domini Dei tui, custodiens  
omnia præcepta eius, quæ ego præcipio tibi ho-  
die, ut facias quod placitum est in conspectu do-  
mini Dei tui. Quid hic aduersarius dicet? an  
morbus animi non est opinio falsa de Deo? an  
non est proprie peccatum in Deum, colere Deos  
alienos? Et quid quæso, Deus ipse de hoc morbi  
genere iudicauit? num solis cohortationibus, &  
disputationibus agi uoluit? Deinde sanctissimus  
propheta Helias, nonne 400. falsos prophetas  
una die occidit? nonne idem diuino mandato  
Iehu, & Iosias reges fecerunt? Quid quod non so-  
lum pii prophetae & reges, sed etiam ethnici Na-  
buchodonosor, & Darius seuerissimis legibus in-  
eos, qui Deum Israel blasphemarent, animaduerti  
iusserunt? quos sane B. Aug. in epist. 50. ad Bonifa-  
cium, ea in re Deo uero iustum obsequium præbuis-  
se scribit. Quod iam de Christianis imperato-  
ribus

3. Re-  
gum 19.

4. Re-  
gum 19.

5.  
Dan.

3. et 6.

*ca. de* ribus dicam? nonne leges extant Constantini,  
*Hære.* Theodosii, Valentiniani, Martiani, Iustiniani,  
*I. Ma* Michaelis, aliorūq. principum religiosissimorū,  
*nicha* quibus hæretici nunc pœna pecuniaria, nunc om-  
*os.* nibus bonis, nunc exilio & uerberibus, nunc e-  
*I. Aria* tiam morte multantur? An uero leges eiusmodi  
*ni.* ab Ecclesia Christi probentur, dubium esse nō po-  
*I. Qui-* test. Nam ut omittam recētiora decreta, certē Ni-  
*cunq.,* cœna synodus prima à Constantino id petiit, & im-  
*Paul.* petrauit, ut Arium hæresiarcham cum aliquoter-  
*Diatro.* roris eius cōsortibus in exiliū relegaret, ut Sozo-  
*li. 16.* menus testis ex lib. i. hist. Ecclesi. cap. 20. & san-  
*& 24* ctus Leo in epist. 91. ad Turbium cap. 1. Merito  
*de Ro-* inquit patres nostri, sub quorum temporibus hæ-  
*manis* resis hæc nefanda prorupit, per totū mundum in-  
*rebus.* stanter egere, ut impius furor ab uniuersa Ecclesia  
*Aug.* pelleretur. Quando etiā principes mundi hanc  
*ep. 166* sacrilegam amentiam ita detestati sunt, ut aucto-  
 rem eius, ac plerosque discipulos legum publica-  
 rum ense prosternerent. Et profuit diu ista distri-  
 ctio ecclesiasticæ lenitati, quæ etsi sacerdotali con-  
 tenta iudicio, cruentas refugit ultiones, seueris  
 tamen Christianorum principum constitutioni-  
 bus adiuuatur, dum ad spirituale nonnumquam  
 recurrunt remedium, qui timent corporale sup-  
 plicium. Quod etiam uerum esse atque expe-  
 rimento certissimo comprobatum scribit Au-  
 gustinus in epist. 48. ad Vincentium, ubi quam-  
 plurimos Donatistas ad ueram Ecclesiam re-  
 diisse affirmat occasione pœnarum, quæ fue-  
 rant

iant

rant principum legibus atque edictis in hæreticos constitutę. Sed licet eiusmodi penę hæreticis ipsis non multum prodesſent, negari tamen non potest, quin ouili Christiano plurimum proſit, lu-  
 pos illos quauis ratione procul arceri. Quocirca sanctus Gregorius etiam si pontifex esset optimus, & mitissimus, laudat tamen lib. i. epist. 77. Gennadium exarchum Africę, quod magno zelo hæreticos bello, & armis persequeretur, atq. etiā ut in ea repergat fortiter, & feliciter cohortatur.

C A P. XVIII.

I A M uerò, quod quarto loco aduersarius obii-  
 cit de maiorum nostrorum consuetudine, qui principes multos hæreticos passi sunt, ut Constantium, & Valentem Arianos, Anastasium Euthrychianum, Heraclium Monothelitam, & si qui sunt alii, ad rem nihil facit. Neque enim Ecclesia temere, & inconsiderate potestate sua debet abuti. Porro non raro accidit, ut tanta sit quorundam regum cum improbitate, ac sæuitia iuncta potentia, vt ecclesiastica censura neque ad eos coercendos quidquam proſit, & catholicis populis, in quos principes irritati magis sæuiunt, plurimum obſit. Quid enim, quæſo, profuiſſet quondam Ecclesię si tentasset uel Ostrogothos reges in Italia, uel in Hispania Vvifegothos, aut Vvandalos in Africa excommunicare, ac de folio deturbare, quamuis id facere iure optimo potuiſſet? quod idem de Constantio Valente, & aliis supra nominatis intelligi debet. Siquidē

ea tunc erant tēpora , ut potius ad martyriū subeundū Episcopi , quam ad principes coercendos parati esse deberēt. At ubi uidit Ecclesia suæ potestati locum aliquem aperiri, uel cum ipsorum principū spiritali utilitate, uel certe sine detrimento, & perniciē populorum: nō sibi defuit, ut exempla paulo ante allata demonstrant. Sic enim Ecclesia Leonem Isaurū imperii parte , & Henricū quartum toto imperio , & Childericum regno Franciæ spoliandos esse iudicauit, ut re ipsa deinceps & Leo parte imperiū, & Hēricus imperto toto, & Childericus Franciæ regno caruerit. Itaq; veteres illos imperatores, Constantiū Valentem, & ceteros non ideo tolerauit Ecclesia (ut aduersarius somniat) quod legitime in imperiū successissent: alioqui enim Leonē etiam , Henricum, & Childericū, qui nō minus legitime successerāt, pertulisset; sed quod illos sine populi detrimento coercere non poterat, istos poterat.

#### C A P. XIX.

**P**ERVENIMVS tandem ad quintum & postremum, idemque potissimū totius cōtrouersiæ caput, ubi illa quæstio breuiter explicanda est, an ad Rom. Pontificē spectet, si iusta causā postulet Christiāos principes regnis atq; imperiis apostolica auctoritate priuare. In qua quæstiōe aduersarius totū caput siue numerū 19. secundæ partis apologiæ consumpsit. Ac ut ordine rem totam explanemus , adferemus primum præcipuam ac  
solidi

solidissimam rationem, qua rei ueritas compro-  
betur: deinde ea omnia diluemus, quæ contra ex-  
cogitare atque obiicere potuit aduersarius. Quod  
igitur ad primum attinet, pendet hæc res tota ex  
duabus sententiis, altera Romanum Pontificem to-  
tius Ecclesiæ, id est omnium Christianorum pa-  
trē, & pastorem esse; altera summū Ecclesiæ totius  
pastorem: ita non modo priuatis hominibus, sed  
etiam Regibus & Imperatoribus Christianis præ-  
esse, ut si causā Christi, & Ecclesiæ id exigat, possit  
eos regnis imperiisque exuere. Nam si hæc duæ  
sententiæ ueræ sint, nemo est qui non uideat id  
continuo sequi, ut Rom. Pontifex iure suo utatur,  
cum principes Christianos, si id causā postulet,  
regnis atque imperiis priuat. Priorem senten-  
tiam aduersarius numquam negasset, si uere se  
(quod mendaciter fecit) catholicum prædicasset  
iuris utriusque doctorem. Quid enim sæpius,  
& leges & canones repetunt, quam unum esse  
Rom. Pontificem totius Ecclesiæ caput? Sed non  
uno in loco, in hæc sua apologia aduersarius ne-  
gat ius ullum esse Rom. Pontifici in Episcopos,  
aut Principes Gallos. Sic enim ait pag. 93. Cum  
nulla sit pontifici iurisdictio, aut cognitio Episco-  
pos Gallie, &c. & pag. 156. Ex iure, & auctori-  
tate, & dignitate maiestatis Regis nostri, qui  
aliū quam Deum non agnoscit in regno suo,  
Pontifici aut Episcopo non licet excommuni-  
care ciuitates, aut corpora subiecta Francorum  
regno. & pag. 157. Nam pontifici nullam esse  
potesta-

potestatem in subditos huius regni, &c. Nos igitur ut huius pseudocatholici incredibilem temeritatem, qui regem Christianissimum, & uniuersum eius regnum schismaticum, & hæreticum facere nititur, tribus certissimis testibus conuincamus, primo Christum ipsum, deinde aucta ueterum Pontificum, deniq. regnum Francorum, & ipsius Gallici senatus testimonium profere mus. Christus cum ait ad Petrum, pascue oues meas, Ioan. 21. non opinor, Francos excepit. Quare si Franci oues Christi sunt, à Petro pascendi sunt, Quod si Franci Petrum diuino iure pastorem habent, id iuris habet Petrus in Francos, quod pastor in oues, ut eos uidelicet, & ad bona pascua cogere, & à noxiis arcere non solum uoce, sed etiam baculo pro imperio possit. Porro pastorem Petrum in successore suo uiuere, eumque Romanum esse Pontificem semper Ecclesia catholica credidit, ac ut alia innumerabilia testimonia prætermittam, & solum pauca, quædam Francorum doctorum primæ, mediæ, & ultimæ ætatis pro cæteris omnibus sententias adferam. Sanctus Irenæus martyr, & Episcopus Lugdunensis, qui prima ætate Ecclesiæ floruit, in tertio lib. contra hæreses, tertio cap. primum Rom. Ecclesiæ episcopum Apostolum Petrum scribit fuisse, Petro autem Linum, Anacletum, Clementem, & alios ordine successisse: atque ob eandem causam ad Rom. Ecclesiam omnem reliquam Ecclesiam, ut ad matrem & magistram conuenire oportere, his uerbis tradit. Ad hanc Eccle-

Ecclesiam propter potentiorē principalitatem  
 necesse est omnem conuenire ecclesiam, hoc est,  
 eos qui sunt vndique fideles. Sanctus Prosper A-  
 quitanicus, uir doctissimus, & qui media ætate  
 Ecclesiæ uixit, in 2. lib. de uocatione Gentium  
 cap. 6 Roma, inquit, propter sacerdotii principa-  
 tum amplior facta est arce religionis, quam solio  
 potestatis. Et in lib. de Ingratis,

*Sedes Roma Petri, qua Pastoralis honoris*

*Facta caput mundo, quicquid non possides ar-  
 mis*

*Religione tenet.*

S. Bernardus Francus, si quis alius optimus, & cla-  
 rissimus, qui ad ultimam Ecclesiæ ætatem perti-  
 nere uidetur, in 2. lib. de Consideratione, his uer-  
 bis alloquitur Eugenum, Age indagemus adhuc  
 diligentius qui sis, quam geras uidelicet pro tem-  
 pore personam in Ecclesia Dei. Quis es? sacer-  
 dos magnus, summus Pontifex, tu Princeps Epi-  
 scoporum, tu hæres Apostolorum, tu primatu  
 Abel, gubernatu Noe, patriarchatu Abraham, or-  
 dine Melchisedech, dignitate Aaron, auctoritate  
 Moses, iudicatu Samuel, potestate Petrus, un-  
 ctione Christus. Tu es, cui clauēs traditæ, cui oues  
 creditæ sunt. Sunt quidem & alii cæli ianitores,  
 gregumque pastores, sed tu tanto gloriosius  
 quanto, & differentius utrumque præ cæteris no-  
 men hæreditasti. Habent illi sibi assignatos gre-  
 ges, singuli singulos, tibi uniuersi crediti, uni v-  
 nus. Nec modo ouium, sed & pastorum tu unus.

OMNIUM

omnium pastor. Hæc sanctus Bernardus. Cui venerabile Hugonem de sancto Victore æque Fracum, & eruditissimum, & ipsi Bernardo amicissimum adiungere placet. Sic igitur ille lib. 1. de Offic. ecclesiasticis cap. 43. Papa dicitur, quia pater patrum. Hic vniuersalis dicitur, quia vniuersæ præest Ecclesiæ. Hic quoque apostolicus vocatur, quia principis Apostolorum vice fungitur. Hic etiam summus Pontifex nuncupatur, quia caput est omnium episcoporum. Ab his quattuor Francis doctoribus non dissentiant credo, qui in Francorum regno catholici dici cupiunt, neque dubium esse potest, quin reges Francorum Christianissimi, verborum Christi interpretatione libentius ab Irenæo, Prospero, Bernardo, & Hugone, quam ab impostore apologetico discere volent. Sed iam ad acta veterum accedamus & videamus, num antiquis temporibus Romanus Episcopus aliquid iuris in Fracos habuerit. Sanctus Cyprianus in epist. 13. lib. 3. ad Papam Stephanum scribit in hæc verba. Dirigantur in provinciam, & ad plebem Arelato consistentem à te litteræ, quibus abstento Marciano alius in locum eius substituatur. Vbi Rom. Pontifex Cyprianus non admoneret, ut Marcianum episcopum Arelatensem multorum criminum reum ab episcopatu deponeret, nisi hæc eo tempore fuisset in ecclesia consuetudo, ut iudicia Episcoporum, etiam Gallorum ad Rom. Pontificem pertinerent. Sanctus Leo in epist. 89. ad Episcopos Galliarum, Nor-

biscum,



bitum, inquit, uestra fraternitas recognoscat, apostolicam sedem à uestra etiam prouinciæ sacerdotibus innumeris relationibus esse consultam, & pro diuersarum appellatione causarum aut retracta, aut confirmata fuisse iudicia. Hec ille. Si nihil iuris apostolica sedes habet in Gallos, cur ad eam ex Gallia prouocatur? cur ab ea nonnumquam Gallorum iudicia retractantur? sanctus Gregorius libr. 4. epi. 52. ad uniuersos Galliarum episcopos scribit, se uices suas per Galliam Virgilio Arelatensi episcopo commisisse; ac simul imperat, ut causæ grauiores ad sedis apostolicæ iudiciū referantur, quatenus (inquit) à nobis valeat congrua sine dubio sententia terminari. Non igitur dubitari potest, quin eo tempore Galli Rom. Pontificem iudicem suum ac pastorem supremum agnoscerent. Zacharias papa, de quo paulo post plenius differemus, cum Childericum regem amoueri, & Pipinum in eius locum regem fieri iussit, certe ius aliquod in Gallias habuit. Pari ratione Nicolaus primus cū Lothariū Francorum regem, & concubinam eius Valdradam, ac simul archiepiscopos Treuerensem, & Coloniensem palam excommunicauit, ut Rhegino lib. 2. Chronici, Otho Frisingensis libr. 6. hist. cap. 3. & Sigebertus in Chronico scribunt, plane se ius maximum in Gallos habere ostendit. De Gregorio iiii. Pontifice ita scribit Paulus Aemilius lib. 4. de rebus gestis Francorum. Lugduni cōcilium episcoporum quos Lu-

B douici

douici Imperatoris filii contraxerant, habitum,  
 imperiumque patri abrogatum. Quod decretum  
 mox à Gregorio Pontifice maximo rescissum est.  
 Eodem pertinet quod scribit Marianus Scotus  
 libro 3. *Chronici*: Rex (inquit) Ludouicus regi-  
 nam Aquis obuiam ei uenientem, iubente Papa  
 Gregorio, accepit. Vides hic, lector, id iuris co-  
 tempore in Galliis Pontificem habuisse, ut &  
 cōciliorum decreta rescinderet, & imperium, at  
 que uxorem Ludouico à filiis ademptā, suo ius-  
 su continuo restitueret. Hadrianus ii. Pontifex  
 maximus cum accepisset imperium Ludouici  
 iunioris à Carolo Caluo rege armis tentari, con-  
 tinuo litteras ad Carolum dedit, in quibus iube-  
 bat (ut uerbis utar Aimoini lib. 4. ca. 24.) ut Im-  
 perium Ludouici nullus commoueret, nullus ad  
 se conaretur inflectere. Quod si quis præsumeret  
 non solum per suę auctoritatis ministerium in-  
 firmaretur, uerumetiam uinculis anathematis  
 obligatus, nomine Christianitatis priuatus, cum  
 diabolo omnino locaretur. Quid quod ipse e-  
 tiam aduersarius pag. 165. & 166. Philippum Au-  
 gustum à Cœlestino iii. Philippum Pulchrum à  
 Bonifacio viii. & Ludouicum xii. à Iulio ii. tres  
 Francorum reges, à tribus Rom. Pontificibus ex  
 communicatos fuisse cōmemorat. Quod igitur  
 attinet ad acta Pontificum, dubitari non potest,  
 quin si semper in Gallias, ut in omnes alias orbis  
 Christiani prouincias ius haberit. Sed acce-  
 dat postremo Francorum ipsorum tum regum,

tum Principum testimonium atq; confessio. Nā de Episcopis nihil est opus hic addere, cum nulli sint Episcopi catholici, qui summo Pontifici ueram obedientiam non iurent. Quare ipse etiam aduersarius pag. 187. scribit, ecclesiasticos in Gallia Pontificis monarchiæ esse subiectos. Quod tamen quam belle cohæreat cum eo quod habetur pag. 93. nullam esse Pontifici Rom. in Episcopos Galliarum iurisdictionem aut cognitionem, ipse uiderit. Cum primores totius Regni Francisci à Zacharia Pontifice petierunt, ut eius auctoritate liceret sibi regnum à Childerico in Pipinum transferre, ut scribunt Paulus Aemilius lib. ii. & historici quamplurimi, certè apertè confitebantur, quod aduersarius negat, Pontificem Rom. in omnes Christianos, & in ipsos etiam Francos habere. Alioqui enim cur non à suis Episcopis id petebant? uel cur sine Papa non faciebant, quod uolebant? Immo cur expectarunt, ut Pontifex id iuberet, ut Rhegino libro 2. & alii scribunt? Carolus Magnus idem Rex Francorum, & Imperator obedientiam suam erga Apostolicam Sedem multis, & uariis argumentis sæpe testatus est. Sed nunc unicum sufficiet testimonium. Extat priuilegium eiusdem Caroli, quod Bremensi ecclesiæ dedit, apud Albertum Krantzium lib. 1. Metropolis cap. 7. in hæc uerba. Summi Pontificis, & uniuersalis Papæ Hadriani præcepto, necnon Moguntinensis Episcopi Lullonis, omniumque qui adiuere Pontificum consilio, eandem

Bremensem ecclesiam cum omnibus suis appendiciis Vvillehado probabilis vitæ corâ Deo & sanctis eius cōmisimus. Carolus Caluus Francorum rex, Hadriani ii. litteris à bello in Ludouici iunioris prouincias inferendo cessare iussus moleste tulit, ut scribit Aimoinus cap. 27. lib. 4. quod regnum propagare prohiberetur : non tamen Pontificis mandatum contemnendum existimauit, sed contra potius legatum cū litteris, & muneribus ad eum placandum misit. Sed quid opus est regnum Christianissimorū testimonia quærere, cum in nouorum Pontificū creatione Sixti v. factum esse constat, reges Francorum, ut omnes alii reges christiani, tota inspectante urbe, per legatos suos obedientiam nouo pontifici deferant? Sed quia passim aduersarius Parlamentum regium iactare solet, ac potissimum eam defensionem, quam Senatus Parisiensis pro libertate ecclesiæ Gallicæ Ludouico xi. obtulit, rex illā ipsā defensione testimonium hoc loco adscribere placuit. In ipsa igitur præfatione sic legimus : Visum est curiæ hu-  
iusmodi querimoniarum causas simul cum idoneis quibusdam remediis hic colligere, ita ut rex in obedientia, quam uere Catholicus, & Christi-  
ssimus Rex sanctæ Sedi Apostolicæ debet, perpetuo maneat, & infra c. 19. Ante omnia protestatur curia se nolle sanctitati, dignitati, honori, & auctoritati Pōtificis, ac sanctæ Sedis Apostolicæ quidquam detrahere: quin potius om-  
nem

nem honorem, reuerentiam, & obedientiam, quā  
 uausquisque pius, & fidelis summo ecclesiæ Pa-  
 stori debet, exhibere parata est; & si quid emen-  
 datione dignum exciderit, ecclesiæ determinatio-  
 ni quæ errare non potest, subiicere se non recu-  
 sat. can. A recta. 24. q. 1. Hæc plane senatus regii  
 uerba satis aperte, aduersarium mendacii, & im-  
 posturæ coarguunt. Quid enim sæpius tota apolo-  
 gia contendit, quam ex parlamenti Gallicis de-  
 monstrare, nihil iuris esse pontifici in Gallie re-  
 gnum? At nonne ipsum est Parlamentum, quod  
 uerbis disertis affirmat, regem Francorum, & om-  
 nes alios homines uerè fideles, & pios Romano  
 Pontifici obedientiam debere? Nonne idem ip-  
 sum parlamentum eidem Pontifici omnem reue-  
 rentiam, & obedientiam exhibere se apertissime  
 protestatur? Prior igitur illa sententia, quam pro-  
 bandam suscepimus, satis iam est à nobis Chri-  
 sti uerbis, patrum interpretatione, rebus gestis  
 Pontificum, & Francorum confessione, ac testi-  
 moniis comprobata.

#### C A P. XX.

I A M verò summum ecclesiasticæ hierarchiæ  
 principem (quæ erat altera sententia) reges Chri-  
 stianos certis de causis iurisdictione exuere pos-  
 se, pro instituti opusculi breuitate, demonstrare ag-  
 grediat. Primum igitur licet potestas ecclesiasti-  
 ca, quæ in summo Pontifice potissimum residet,  
 & potestas politica, quam præter cæteros princi-  
 pes Impe. Romanus habet, nō modo dux sint ac

distincta finibus & officiis. sed etiam separata  
 interdum inueniantur (nam aliquādo ecclesia nul-  
 los habuit politicos principes, & nūc etiam mul-  
 ti sunt Principes, ac reges extra ecclesiā) tamen  
 quando principes sunt Christiani, & in ecclesiæ  
 catholicæ mēbris ac filiis numerantur, duæ illæ  
 potestates ita cōiunguntur, ac cōueniunt inter se,  
 ut vnā repub. vnum regnū, unam familiam,  
 immo & vnū corpus efficiant; Vnum enim, ut  
 Apostolus ait Rom. 12. sumus corpus in Christo:  
 singuli autem alter alterius membra. In hoc autē  
 corpore mystico ecclesiæ, potestas ecclesiastica  
 veluti animus quidem est; politica autem veluti  
 corpus, ut sanctus Greg. Nazianz. docet in ora-  
 tione ad populū timore perculsum, & imperatō-  
 rem irascentem. Neque in cōtrouersiam id reuo-  
 cari potest, cum constet ecclesiasticam potestatem  
 spirituales ac cælestes esse; politicam vero  
 humanam ac terrenā: & rursus illius finis æterna  
 beatitudo sit, huius autem pax, & trāquillitas tem-  
 poralis: illa animos & corda potissimum regat;  
 ista in corporibus vim suam habeat: illa legibus  
 diuinis & cælestibus oraculis; ista iure ciuili  
 ac gentium nitatur: illa denique auctorem im-  
 mediatum Deum habeat, ista per ius gentium  
 & consensum populorum ad principes deri-  
 uetur. Igitur quemadmodum distincta sunt  
 animi & carnis munera, & separata etiam in-  
 ueniuntur in angelis qui corpore vacant, &  
 belluis, quæ rationis sunt expertes: & tamen  
 in ho-

in homine, quia vnā hypostasi efficiunt, ita  
 conueniunt & coniunguntur, ut animus præsit, ca-  
 re subiiciatur, & possit animus iure suo carnem  
 ieiuniis, uigiliis, aliisque laboribus coercere, ne  
 impediatur munera spiritus, vel etiam si opus sit, ad  
 finem ipsius spiritus consequendum possit spi-  
 ritus carni imperare, ut se ac sua exponat omnia,  
 etiam cum detrimento uitæ, ut sanctos martyres  
 facere uidemus: pari ratione in Ecclesia Christi,  
 si uere nunc corpus sit, tantum esse oportet con-  
 iunctionem, ecclesiasticæ, ac politicæ potestatis,  
 tantumque inter eos ordinem, & unius ad alterā  
 subiectionem, ut in iis quæ ac æternam salutem  
 adipiscendam pertinent, ecclesiastica potestas,  
 politicam dirigat, eique imperet, & si opus sit,  
 cohibeat, & coerceat, ne ademptionem proprii fi-  
 nis impediatur, etiam cum detrimento propriæ pote-  
 statis, ut eo modo iuxta. B. Greg. sententiam lib.  
 2. epist. 61. terrestre regnum cælesti regno famu-  
 letur. Quæ cum ita sint, nullam profecto iniu-  
 riam facit summo Principi politico, Princeps  
 summus ecclesiasticus, si eum adimoneat, illique  
 imperet, ut politica sua potestate recte utatur, le-  
 gibus, & penis impios, ac blasphemos coerceat,  
 fidem catholicam protegat, aduersus infide-  
 les ecclesiam oppugnantem arma-suscipiat.

Quis si is aut ex one lupo euadat, & hæreti-  
 cos ac sectarios sequens, fidem catholicam de-  
 struat: aut uelut aries furiosus, contempto Pa-  
 store, in oves sibi subiectas grassetur, aut certe

instar languidi, ac timidi canis propter ignaviā ac segnitiam gregem Domini à luporū moribus defendere non audeat: cur quæso non poterit summus Pastor, & qui Christi ipsius vices in terris gerit: lupum illum ab ouili arcere, atque ouibus imperare, ne illum ultra sequantur; & arietē furiosum recludere ac prohibere, ne gregem deinceps ducat? Ac denique imbecillo cani valētiorem alium substituere, qui gregem, vt oportet, custodiat ac defendat? Ergo hac potestate Ioiada pontifex Athalias reginam, tyranidem in populo exercentem a regno amouit, & Ioas regem constituit, vt legimus lib. 4. reg. cap. 11. & lib. 2. paralipom. cap. 23. Hac potestate Gregorius papa ii. Leonē imperatorem iconoclastarum hæresi studendam, atque eam in Italiam inducere molientem non solum excommunicauit; sed etiam vectigalibus Italiæ prohibuit; vt Cedrenus, & Zonaras in eiusdē Leonis vita scriptum reliquerunt. Hac potestate Pontifex Zacharias Hilderici regnum, quod eius socordia catholica religio in Gallis non modicum detrimentum pateretur, in Pipinum & filios eius transtulit, vt infra multis testimoniis demonstrabimus. Hac potestate Leo iii. Pontifex regem Nordam Humbrorum regno suo inique pulsū, atque ad se tamquam ad omnium Christianorum caput & principem confugientem, per lagatos suos in regnum restituit, vt Aimoinus scribit lib. 4. de rebus gestis Francorum cap. 96. & Regino lib. 2. Chronici,



nici, anno 808. Hac denique idem Leo Romanum imperium à Græcis ad Francos transtulit, quod iam longo vsu didicisset, Græcos aut non posse, aut nolle laboranti ecclesiæ opem ferre. Actum maxime id metuendum videretur, cum Imperatore Constantino fraude suorum excacato femina, quod antea numquam acciderat, Rom. imperio præsideret.

## CAP. XXI.

RESTAT nunc solum, vt obiecta paucis diluamus. Ac primū à pag. 132. vsque ad pag. 137. nō tam argumēta pro se aduersarius profert, quā verba quædam aut facta pontificum repræhēdit. Sed tot sunt in ea reprehensione mēdacia, pœne quot uerba. Primū reprehendit uerba Paschalis, qui cap. Significasti, de Elect. scribit, cōcilia nulas ecclesiæ Rom. leges præscribere, cū ab eo potius firmitatem ac robur accipiat. Hæc Paschalis sententiam, uelut hæreticā (inquit aduersarius) cōcilia generalia Cōstātiensē, & Basileense damnauerunt, præsentibus Ioan. 23. & Eugenio 4. Pōtificib. Hic tria mendacia sunt. Primū damnaſſe cōcilium Cōstātiensē sententiam illam de potestate Papæ supra cōcilium præſente Ioanne 23. cōstat enim Ioānem prædictum ex cōcilio recessisse ante ſeſſionē tertiam: sententiam autem illam damnatam ſeſſ. 4. cum in cōcilio neque Pontifex ipſe, neque ullus eius legatus adeſſet. Alterum mendacium est, à concilio Basiliensi sententiam eandem, vt hæreticam Eugen. 4. præ-

præfente damnatam; cum Eugenius ad Basileen-  
 ſe concilium nunquam acceſſerit, & ſeſſ. 33.  
 cum ea ſentētia proprie, ut hæretica, dānabatur  
 non modo Pontifex, ſed Legatus etiam eius abeſ-  
 ſet. Tertium eſt mendacium, ſententiam illam  
 Paſchalis de poteſtate Papæ ſupra concilia dam-  
 natam ut hæreticam à concilio Conſtantiēſi.  
 Id enim concilium non abſolute rem definiuit,  
 ſed ſolum in caſu ſchiſmatis. Veriſſimum eſt au-  
 tem, Pontifices tempore ſchiſmatis, cum dubium  
 eſt, quis nam ſit uerus, ac legitimus Pontifex, con-  
 cilio generali ſubefſe, quocirca Baſilienſe conci-  
 lium poſtea rem abſolute, & ut ueritatem catoli-  
 cam definire uoluit, ut patet ex 33. ſeſſ. concilii  
 eiſdem. Sed ne aduerſarius ob huius concilii  
 decretum nimium ſibi placeat: illud omitti non  
 debet, decretum factum fuiſſe à concilio (ut mo-  
 deſtiſſime dicam) acephalo? proinde nullā omni-  
 no apud catholicos auctoritatē mereri. Eſt enim

*Iulius* regula notiſſima & antiquiſſima, nulla cōcilia  
 i me- ſine Romani Pōtificis auctoritate rata eſſe poſſe:  
 niſt. ad alioqui enim ſi ſolus numerus Episcopōrū con-  
 orien- cilium legitimum facere: quid cauſæ eſſet, cur  
 tales. Ariminenſe concilium Episcoporum ſexcento-  
 Socr. rum, catholici omnes repudiarent, quia Roma-  
 l. 2. c. nus Pontifex, Damafus id concilium improba-  
 25. uit: concilium autem Conſtantinopolitanū epi-  
 Sozo. ſcopotum centumquingenta catholici om-  
 l. 3. c. nes uenerantur, quia id concilium idem Da-  
 9. mafus approbauit? Vide multa de hæc re, quæ  
 breuita-

breuitatis causa præmittimus, in epistola Nicolai, ad Michaelē Imperatorem; & in epistola Gelasii primi, quæ inscribitur, de uinculo anathematis. Adde præterea, decretum illud Basileensis concilii, non solum in Florentino; & Lateranensi in ap-  
 conciliis postea improbatum, sed etiam ab ipso prædico Basileensi Lausanz continuato, tempore Nicolai ad con-  
 quinti Pontificis abrogatum, quando & Ame-  
 deus concilii Basileensis auctoritate Pontifex creatus Basile-  
 tus, Pontificatu non rite adeptus, rite se abdicauit. Adde postremo, nihil omnino hanc disputa-  
 tionem de comparatione potestatis Papæ, &  
 conciliorum ad iuuandam causam aduersarii  
 pertinere. Siquidem illi ipsi qui Romanum Pontificem uniuersali concilio subiiciunt, iidem solum, Pe-  
 rum fidelibus omnibus etiam regibus & impe-  
 ratoribus, cum summa potestate, ut uerum Christi Vicarium, summumque totius Ecclesiæ Pastorem, &  
 rem præesse uolebant. Deinde reprehendit apo-  
 logiæ auctor, ac mendacii, argueretur canonicus, Alius. i. 5. q. 6. ubi legimus regē Francorum ultimum ex familia Merouingorum à Zacharia Pontifice exauthoratū. Ex ueritate (inquit) est Pontificem consilium nobilitati Francæ dedisse; non autem mandatum, ut optime scribit Gulielmus Ocham in libr. de potestate Ecclesiæ. At hoc ipsum esse mendacium manifestum, & à Zacharia mandatum plane datum, testantur omnes historici ueteres, quibus magis credendum est, quam uni Ochamo; qui recentior est,

est, & odio pontificis multa confinxit. Annales Francorum uetustissimi sic habent, Data auctoritate sua, Zacharias iussit Pipinum regem constitui. Et infra. Secundum Romani pontificis sanctionem, Pipinus rex appellatus est. Eginardus in uita Caroli Magni, Pipinus (inquit) per auctoritatem Rom. Pont. ex Prefecto palatii rex constitutus est. Aimonius lib. 4. de gestis Faneorum cap. 61. Pontifex, inquit, data auctoritate sua iussit Pipinum regem institui. Rhegino lib. ii. Chronici, Zacharias (inquit) per auctoritatem apostolicam iussit Pipinum regem creari, & sanctæ vnctionis oleo inungi. Lambertus Schafnaburgensis in historia Germanica, Pipinus, inquit, decreto Zachariæ papæ per vnctionem sancti Bonifacii rex appellatus est. Segebertus i Chronico, Anno, inquit. 750. Pipinus princeps auctoritate apostolica, & Frâcorum electione à sancto Bonifacio in regem vngitur, & cōsecratur. Anno 752. iterum inungi tur in regem à Stephano papa. Hermânus Contractus in Chronico, Anno (inquit) 752. Pipinus auctoritate Stephani Papæ, deposito ac detrôto rege Hilderico rex Frâcorum factus regnauit annis 15. Marianus Scotus lib. 3. Chronici, Zacharia (inquit) papa ex auctoritate sancti Petri Apostoli mādât populo Francorum, vt Pipinus, qui potestate regia utebatur, etiam nominis dignitate frueretur. Ita Hildericus rex, qui vltimus Merouingorum Francis imperabat, depositus & in monasterium missus est. Corradus abbas

Vrſper

Vrspergensis in Chronico, Anno (inquit) 750. Pipinus per auctoritatē Zachariæ papæ more Fræcorum electus ad regnum per manus sancti Bonifacii eleuatus est in regni solium. & infra. Stephanus Papa Pipinum sacra unctione in regiæ dignitatis honore confirmauit. Otho Fringensis li. 5. hist. c. 22. Auctoritate (inquit) Zachariæ Papæ Pipinus ad regnum eligitur. Alb. Krantzius lib. 1. Metropolis cap. 14. Merito (inquit) summus Pontif. & Gallorum rex mutuis se attollunt fauoribus, quando ab initio hæc sedes domui Caroli hoc præstitit, ut regiam haberet dignitatem.

Tertio reprehendit Nicolai tertii pontificis uerba, quæ habentur cap. Fundamentum, Elect. in 6. Declauiuit (inquit) sanctæ sedis esse iurisdictionem urbis, cæteris omnibus exclusis, non ex donatione Constantini, sed ex his uerbis, in omnem terram exiuit sonus eorum, & aliis, quæ interpretatur iudicio suo. Quis credat iureconsultum catholicum, qualem se iste iactat, ad eò uel imperitum, uel improbum fuisse, ut canones quos profiretur, aut non legerit, aut manifesto mendacio deprauare uoluerit? Nam illa uerba, in omnem terram exiuit sonus eorum, non adducuntur à Nicolao, ad probandum iurisdictionem urbis ad Pontificem pertinere: sed ad hoc tantum, ut intelligamus Apostolorum prædicationem generalem fuisse, sed in eò munere Euangelii prædicandi præcipuas partes sancto Petro Apostolorum principi demandatas. Quam to-

tam disputationem ad uerbum Nicolaus descripsit ex epist. 89. sancti Leonis ad Episcopos per Viennensem prouinciam constitutos. Quare aduersarius cum locum illum, in omnem terram exiuit sonus eorum, perperam à Nicolao exponi contendit, non tam Nicolaum, quam sanctum Leonem Pontificem doctissimum, & optimum reprehendit. Quod autem ad Constantini donationem pertinet, mentitur aduersarius apertissime. Hæc enim sunt uerba Nicolai in illo ipso capite, in quo negat aduersarius Pontificem niti donatione Constantini. Quarto die sui baptismatis Constantinus una cum omnibus Satrapis, & uniuerso Senatu, optimatibus etiam, & cuncto populo in persona B. Siluestri, sibi Romanam concedendo urbem, relinquens, ab eo & successoribus eius per pragmaticum constitutum disponendam esse, decernens in ipsa urbe utriusque potestatis monarchiam Romanis Pontificibus declarauit, &c.

## C A P. XXII.

Sed his mendaciis prætermisissis, ad argumenta seria ueniamus. Primum igitur pag. 137. testimonium contra nos adfertur ex Innocentio tertio, qui cap. Nouit. de Iudic. scribit, inquit aduersarius, contra supremam maiestatem Regis Francorum, nolle quidquam aggredi. & cap. Per venerabilem, Qui fil. sint legit. fatetur, neminem superiorem à Rege Francorum agnosci in temporalibus & regni sui administratione. Sed falsum est in primis, quod in argumento

mento

mento assumitur, Innocentium affirmasse, nolle se quidquam aggredi contra suæ premam Maiestatem Regis Francorum. Neque enim usquam id in tota illa epistola inuenitur: sed hoc solum, nolle se Regis iurisdictionem perturbare, uel imminuere: & Regem in suo regno supremum esse dominum temporalem. Quæ duo ex iis, quæ cap. 20. diximus, facile possunt intelligi. Rectè enim Pontifex docet regem Francorum superiorem in temporalibus non agnoscere, quia uidelicet nullus est Princeps temporalis siue is Rex, siue Imperator sit, cui Rex Francorum subiiciatur: superiorem autem spiritualement id est Pontificem Maximum regibus omnibus, & ipsi etiam regi Francorum ita præesse, ut directè quidem spirituales causas iudicet, consequenter autem temporalia administret, quatenus uel cursum spiritualium rerum impediunt, uel ad eum promouendum necessaria sunt, non modo Pontifex in iis locis non negat, sed è contrariò tum ipse, tum alii, & uerbis, & rebus gestis frequentissime docuerunt. Ac ut non longius eamus, nonne in illo ipso cap. Nouit, Iudicem se Papa esse affirmat inter Francum, & Anglum reges? Nonne legato suo imperat, ut nisi Rex Francorum, uel solidam pacem cum Anglorum Rege reformet, uel treguas ineat competentes, in eum iuxta formam sibi datam procedere non omitat? Nonne epistolam suam ad Prælatos Franciæ in hæc uerba concludit, Ideoque uniuersis uobis per Apostolicam sedem

sedem mandamus, & in uirtute obedientie precipimus, quatenus postquam idem Abbas super hoc mādatum fuerit Apostolicum exequutus, sententiam eius, im mo nostram uerius, recipiatis humiliter, & faciatis ab aliis obseruari, pro certo scituri; Quod si secus egeritis, inobedientiam uestram grauitè puniemus. Non igitur uerum est, quod in argumento assumpsit aduersarius, Papam Innocentium scripsisse, nolle se contra maiestatem Regis Francorum quidquam tentare. Id enim non solum in epistola illa non inuenitur, sed toti potius epistolæ illi repugnat. Ac multo minus est uerum, quod supra non semel aduersarius affirmauit, nullam esse Rom. Pontifici in Episcopos, aut Principes Gallos iurisdictionem, siue cognitionem. Iam enim ex epistola, quam pro se aduersarius protulit, omnino contrarium audiuius.

C A P. XXIII.

SECUNDO obijcit apologia extrauagantem Clementis v. quæ incipit, Meruit, de priuilegio Clementis, inquit, pacaturus Regem Philippum pulchrum, quem prouocauerat Bonifacii viii. insolentia, irritam fecit atq; reuocauit declarationem illius in regnum Francorum, probauitq; ea constitutione hoc Regnū sedi suæ subiectum non esse. Hæc ille. At nonne hoc est manifeste mentiri, & imposturis, non argumentis agere? Vbi, n. est in tota illa extrauagante irritationis, aut reuocationis mentio? Vbi est probatio, quod Regnum Fran-



Francorum ea constitutione apostolicæ sedi subiectū non sit? Sed uerba ipsa Clementis audiamus. Nos, inquit, regi & regno per definitionē, & declarationē b. m. e. Bonifacii Papæ viii. prædecessoris nostri, quæ incipit, Vnam sanctam. Nul- lum uolumus, uel intendimus præiudiciū ge- nerari. Nec quod per illam rex, regnum, & regni colæ prælibati amplius ecclesiæ sint subiecti Ro- manæ, quā antea exsistebant: sed intelligantur in eodem esse statu, quo erant ante definitionē præ- fatam, tam quantum ad Ecclesiā, quam etiam ad regem, regnum & regnicolas superius nomina- tos. Hic certē Clemens Pontifex verissime docet, ex Bonifacii declaratione nullum regi Francorū præiudiciū generari, neque ob eam declaratio- nem amplius eum Apostolicæ sedi iam esse su- biectum, quam ante illam declarationem esset, siquidem Bonifacius neque de rege Francorum, aut ullo alio certo principe in ea constitutione loquitur. Neque noui aliquid statuit, sed Euange- lica uerba, fidemque catholicam de unitate Ec- clesiæ prædicat & declarat. Proinde nō amplius ille sedi suæ Christianos principes, aut populos subiicit, quā antea diuino iure subiecti essent. Sed quia nonnulli ob ea, quæ inter Bonifacium Pontificem, & Philippum regem dissidia in- tercesserant, Bonifacii constitutionem sinistra interpretatione præiudicialem regno Franco- rum uideri uolebant: Clemens Pontifex pru- denti consilio admonuit atque explicuit, ex

ea constitutione, quæ simplicem continebat antequare fidei confessionem, & declarationem nullū Regi, aut regno Francorum præiudicium generi. Cur autem Bonifacii constitutionē insolentem iudicet aduersarius, non satis percipio: nā vnani esse ecclesiam, quod est primum & præcipuum constitutionis illius caput, ex scripturis depromptū, in symbolo Constantinopolitano habemus. Vnius ecclesiæ vnum esse debere Rectorem, quod in eadem constitutione Bonifacius ponit, vnitas ipsa corporis, ædiſicii, nauis, ouilis, sponsæ denique Christi, quæ sunt omnia Ecclesiæ catholicæ nomina, satis aperte docet. Rectorem illum vnum apostolum Petrum, & successores eius intelligendos esse, quod tertio loco in ea constitutione ponitur, ex euangelio discimus, vt etiā nos supra breuiter indicauimus. Omnes omnino homines etiam si reges, atq; Imperatores sint, Pontifici Rom. subesse debere, idque illis esse necessarium ad salutem, quod est in eo constitutione extremum, eo certissimo fundamento nititur, quod omnes omnino homines, qui salui esse cupiunt, ad oues Christi adiungi debent, omnes autem suas oues Petro Pastori eiusque successoribus Christus subiecit. Quod autē in ea cōstitutione inseritur de duobus gladiis qui sunt in Ecclesia, pæne ad uerbum ex libr. sancti Bernardi desumptum est. Quocirca nemo potest Bonifacii constitutionem, vt insolentem traducere, quin idem ipsum statuatur de Bernardi sententia,

tia,

tia, quam tamē modestissimam, & verissimā esse omnes iudicant. Hæc autem sunt verba sancti Bernardi in libro quarto de consideratione ad Eugenium papam, quæ Bonifacius imitatus est. Quid tu denuo usurpare gladium rentes, quem semel iussus es ponere in uaginam? Quem tamen qui tuum negat, non satis mihi uidetur attendere uerbum Domini dicentis sic, Conuerte gladium tuum in uaginam. Tuus ergo, & ipse, tuo forsitan nutu, & si nō tua manu euaginādus. Alioqui si nullo modo ad te pertinet & is, dicentibus Apostolis, ecce duo gladii hic nō respōdisset dominus, satis est: sed, nimis est. Vterque ergo Ecclesię & spiritalis scilicet gladius, & materialis: sed is quidem pro Ecclesia, ille vero & ab Ecclesia exerēdus. Ille sacerdotis, is militis manu, sed sane ad nutum sacerdotis, & iussum Imperatoris.

#### C A P. XXIIII.

TERTIO obicit aduersarius cognitionē criminis hæreseos, & iurisdictionē in Hæreticos semper fuisse permissam politico magistratui, atque ad eum, nō ad sacerdotes, iure optimo pertinere. Id vero probat hac ratiōe, quā uerbis eius adscribā, ne forte omissum aliquid à nobis fuisse queratur. Etenim (inquit) legem Dei cōsiderari necesse est, primū quidē in hoc sæculo, ubi coguntur omnes magistratui politico, & tēporali obsequi, humanæ societatis, & politia terrestris iuridici: ad confusiones & rixas auertendas:

F 2 secundo

“ secundo autem in altero , ubi Dēus solus iudicat  
 “ & punit, & eius respectu neminem magistratum  
 “ huic mundo dedit, qui iniuriam ipsi factam per  
 “ transgressionem mandatorum ipsius ulciscar,  
 “ nam sacerdotes, custodes, & paedagogi diuinæ  
 “ legis, non sunt iudices dati, sed tamquam lenes  
 “ animorū medici, & mādata Dei nō sunt sanctio-  
 “ nes supplicia imperantes, sed amicissima docu-  
 “ menta, monitaque: alioqui si gladio cogeremur  
 “ ad obseruationem diuinæ legis, meritū nostrum  
 “ foret perexiguū . Hæc ille, qui deinde attexit  
 “ quædam scripturæ, & patrum testimonia, quæ  
 suo loco discutiemus . Porro quā tetros errores,  
 quæue monstra in religione Christiana hæc  
 obiectio pariat, nemo (credo) tam expers iudicii  
 erit, qui non uideat, ut iam apologiæ auctor non  
 hæreticus solum, sed etiam nouus hæresiarcha  
 dicēdus esse uideatur, nisi forte qui hæc scripsit,  
 ut sanctus Hieronymus de Iouiniano, & Vigilantio  
 loquitur, morbo phrenetico sit arreptus, &  
 Hippocratis uinculis alligandus . Sed ad singula  
 breuiter respōdeamus . Quod igitur attinet ad co-  
 gnitiōē de crimine hæresis; spectat quidem ad  
 politicum magistratum, in hæreticos ab ecclesia  
 iudicatos, & damnatos seuerè animaduertere; &  
 iudicare sitne aliquis hæreticus, an non, qui ad  
 politicum magistratum, & non potius ad ec-  
 clesiasticum existimat pertinere, eum nihil  
 omnino in rebus ecclesiasticis legisse, nihil  
 scire necesse est . Nota est illa S. Athanasi uox

in epist. ad solitariam uitam agentes, de imperatore Constantino, qui in causa fidei iudicium sibi arrogare nitebatur. Quando à condito tuo auditum est, quod iudicium Ecclesiae auctoritate suam ab Imperatore accepit? Aut quando umquā hoc pro iudicio agnitum est? Plurimę antea synodi fuere, multa iudicia Ecclesiae habita sunt; sed neq; Patres istiusmodi res principi persuadere conati sunt, nec principes se in rebus ecclesiasticis curiosum praeiuit. & infra. Quis uidens, eum in decernendo principē se facere Episcoporum, & praesidere iudiciis ecclesiasticis, non merito dicat, eum illam ipsam abominationē desolationis esse, quae à Daniele praedicta est? Neque dissimile est quod sanctum Martinum Imperatori Maximo de heresi Priscilliani cognoscere uolenti palam dixisse scribit, Sulpitius in 2. lib. sacrae historiae, nouum & inauditum esse nefas, quod causam Ecclesiae index seculi iudicaret. Quibus accedat testis tertius sanctus Ambrosius, ut in ore duorum uel trium testium stet omne uerbum: igitur ille in epist. 3. 2. ad Valentinianum iuniorē. At certē si uel scripturarum seriē diuinarum, uel uetera tempora retractemus, quis abnuat in causa fidei, in causa, inquam, fidei Episcopos solere de Imperatoribus Christianis, non imperatores de Episcopis iudicare? Eris Deo fauente etiam senectutis maturitate prouectior, & tunc de hoc censebis, qualis Episcopus sit, qui laicis ius sacerdotale subternit. Pater tuus uir ma-

turioris æui dicebat, nō est meum iudicare inter Episcopos. Tua nunc dicit clementia: ego debeo iudicare. & infra. Si cōferendū de fide, sacerdotum debet esse ista collatio, sicut factum est sub Constantino, augustæ memoriæ principe, qui nullas leges ante præmisit, sed liberum dedit iudicium sacerdotibus. Conferamus si placet, verba apologetici nostri cum verbis horum trium sapiētissimorū patrū. Ille ait, cogniti nē de hæresi semper fuisse permissam politico magistratu, atque ad eum iure optimo pertinere. Isti cōtra constanter affirmant, à condito ævo numquam id esse permissum; nefas esse inauditū, & nouum: scripturarum auctoritati, & omnium temporū consuetudini repugnare. Quis iam dubitet magis fidem habendā esse tantis, ac talibus ecclesiæ columnis, quam vni nescio cui, qui plane nescit, neque quid loquatur, neque de quibus affirmet? Sed iam rationē eius excutiamus. Assumit legem Dei, vt mundi huius pacem, & tranquillitatē respicit, si quis transgrediantur, eū à politico magistratu puniendū esse: eandem legem, vt diuinū honorem, & amicitiam cum Deo nō violandam præcipit, si quis nō seruet, eū à solo Deo in futuro sæculo iudicandum, neque vllum esse in terris magistratum, qui eiusmodi crimina cognoscere debeat. At quis non videt hoc perniciosissimum dogma cū scripturis sanctis, cum omni iure diuino & humano, cui ipsa manifestissima ratione aduersa fronte pungna-

re?

re? Nonne in ueteri lege Deus blasphemos, sacrilegos, idolatra per sententiam iudicium daminari, & occidi iubebat? Nonne ipse etiam Christus flagello de funiculis facto è templo eos omnes eiecit, qui iniuriam Dei de loco orationis, locum fecerant negotiationis? Nonne pleni sunt Conciliorum, & Pontificum canones, & ipsæ etiam leges Imperatorum suppliciis, ac pœnis in eos, qui in Deum verbo, aut factis sacrilegi sunt? Quis (inquit Augustinus in epist. 50. ad Bonifacium) mente sobrius regibus dicar, nolite curare in regno uestro à quo teneatur, uel oppugnetur Ecclesia Domini uestri? Non ad uos pertineat in regno uestro, quis uelit esse religiosus, siue sacrilegus, quibus non potest dici, nō ad uos pertineat in regno uestro quis uelit esse pudicus, quis impudicus? Sed de hac re satis multa supra dicta sunt cap. 17. Quod uero aduersarius addit, Sacerdotes non esse a Deo iudices datos, sed lenes animarum medicos, repugnat in primis Apostolo, qui de se ait. Quid uultus? in uirga ueniā ad uos, an in spiritu mansuetudinis? 1. Cor. 4. Quo loco per uirgam exponit Augustinus lib. 3. contra epist. Parmeniani cap. 1. iudiciariam potestatem. Neque ab eo dissentiant Chrysostomus, & ceteri eius loci interpretes. Idem rursus, prædico (inquit) uobis quoniam si uenero iterum non parcam. & infra. Ut non durius agā secundum potestatem, quā dedit mihi Dominus 2. Cor. 23. & alio loco. Aduersus presbyterū accusationem noli

recipere, nisi sub duobus aut tribus testibus r. *Ti*mo. 3. ubi apertissime docet Apostolus habere Pontifices suatribunalia, & more iudicum accusatores, ac reos audire, & secundum allegata, & probata iudicium ferre. Hinc est illa vox sancti Grego. Nazian. in oratione ad populum timore perculsum, & principem irascentem. Cum uocem suscipitis liberam? Et quod lex Christi uos Principes, meæ potestati, meoque subiecit tribunali? Imperamus enim, & ipsi; addo & imperio maiori, & perfectiori. Et illa sancti Io. Chriost. homil. 83. in Matth. ad suos Diaconos. Si Dux quispiam, si Cōsul, si ipse denique qui diademate ornatur, indigne adeat, cohibe, & coerce: maiorem tu illo habes potestatem. Quod si Episcopi, & diaconi, tantis uiris testibus, ipsos etiam reges, & Imperatores in iis, quæ ad Deum pertinent, pro potestate atque imperio coercere possunt, quanto magis id poterit Summus totius ecclesiæ Præsul, & Episcoporum omnium caput? Sed quid iam de sententia illa dicemus, quam continuo subiecit aduersarius, diuina mandata non esse sanctiones supplicia imperantes, sed amicissima documenta monitaque? An est aliquid toti scripturæ diuinæ magis repugnans? Quid enim est hoc aliud, quam apertè negare ullā esse uerī nominis legem à Deo datam? Et sine ulla culpa uiolari posse, quidquid umquam Dominus præcepit? Neque enim peccatum esse potest, ubi solum documenta & monita, non autem uerī nominis leges uiolantur.

Vbi



Vbi non est lex (inquit Apostolus Rom. 4.) nec  
 præuaricatio. Et alius itē Apostolus. Omnis qui  
 facit peccatum, & iniquitatem facit, & peccatum  
 est iniquitas 1. Ioan. 3. Vbi græca vox anomia,  
 quam interpres reddidit iniquitatem, proprie le-  
 gis præuaricationem significat, ut intelligamus,  
 auctore Ioanne, omnem qui peccat legem præua-  
 ricari, neque ullum esse peccatum, ubi nulla est le-  
 gis præuaricatio. Admitteremusne igitur idolola-  
 triam; periurium, homicidium, adulteriū, furtū,  
 falsa testimonia, & alia id genus, quæ Dei lege  
 prohibentur, non esse peccata? An potius, quid-  
 quid sonniet aduersarius, Dei præcepta uerissi-  
 mas leges, & sanctiones esse supplicia imperan-  
 tes, non autem nuda documenta monitaque esse  
 fatebimur? quid? Quod in testamento ueteri pas-  
 sim Deus ad suas leges adiungit sæuerissimas pœ-  
 nas; & in nouo Christus clamat, Nisi quis renatus *Io. 3.*  
 fuerit ex aqua, & spiritu, non intrabit in regnū cœ- *Mat.*  
 lorum; & qui dixerit fratri suo fatue, reus erit ge- *5.*  
 henne ignis; & qui soluerit unum de mandatis  
 istis minimis, minimus uocabitur in regno cœlo-  
 rum; & Apostoli in concilio Hierosolymitano *Act.*  
 nonne onus quoddam uerissimæ legis impone- *15.*  
 re, & non sola documenta monitaque sedare te-  
 stantur, cum ita scribunt. Visum est Spiritui san-  
 cto, & nobis nihil ultra imponere uobis oneris,  
 quam hæc necessaria? An non denique concilia  
 omnia plerumque ad canones suos anathema-  
 tis pœnam annectunt? Sed egregia est omnino  
 ratio,

ratio, cur leges Dei documenta, monitaque non sanctiones supplicia imperantes esse iudicauerit aduersarius. Alioqui enim (inquit) si gladio cogeremur ad obseruationem diuinę legis, meritū nostrum esset perexiguū. Quasi vero libertas, quę requiritur ad meritum, externę coactioni, & nō potius internę, ac naturali necessitati repugnet. Cum lex aut iudex supplicium cōminatur, corporis membra fortasse poterit coercere, voluntatem non poterit. Quocirca semper humana voluntas, Dei adiutorio pręueniente, & comitante, & legem implere velle potest amore iustitię, & mereri gloriam apud Deum: potest etiā sponte sua velle violare, aut certe non implere, & irā diuinā in se prouocare. Certe ad plerasque Dei leges seruandas gladio cogimur, dicente Apostolo Rom. 13. si male egeris, time. Nō enim sine causā gladium portat, & tamē qui eas leges (ut par est) implent, eos vitam æternam promereri Christus nō obscure significauit, cū ait, Si vis ad vitam ingredi, serua mandata, Matth. 19. Et cur denique leges pœnam simul, & prēmium constituerent, nisi merito locus esset in eius legis impletionē, à cuius pręuaricatione pœna deterret? Lex igitur, supplicium imperans, & iudex in peccatores armatus non meritum impedit, sed à pręuaricatione deterret.

## C A P. XXV.

**A D I V N G I T** postea consequenter aduersarius testimonia scripturę & patrum, quorum

quorum pertineant, vix arbitror illum ipsum scire, qui proposuit. Primum allegat illud ex Apostolo 2. Cor. 1. Non quia dominamur fidei vestre, sed adiutores sumus gaudii vestri. Fateor Apostolum causâ fidei non fuisse dominum Corinthiorum. Vnus est enim nostrum omnium Dominus, qui nos creauit & redemit. Præpositum tamen, & Pastorem fuisse uice Christi, & eius nomine leges ferre, & præuaricatores punire potuisse non negabit, qui legerit illud eiusdem Apostoli Hebr. 13. Obedite Præpositis uestris, & subiace-  
te eis &c. & illud 1. Cor. 11. Laudo uos quod præcepta mea tenetis. & 2. Corinth. 10. in promptu habentes ulcisci omnem inobedientiam. Secundo adiungit illud 2. Tim. 3. Omnis scriptura diuinitus inspirata utilis est ad docendum, ad arguendum, ad corripiendum in iustitia: non autem addit aduersarius, ad cogendū, & puniendū. Sed istam additionem negantem non ex Apostolo, sed ex cerebro suo male sano deprompsit. Possent enim Pastores secundum scripturas cogere oues ad bona pascua, & à noxiis prohibere, & detrectantes punire, nonne apertissime idem Apostolus docuit, cum ait, quid uultis? in uirga ueniam ad uos 1. Cor. 4. & ut non durius agam, secundū potestatem, quā dedit mihi Dominus 2. Cor. 10. & quod paulo ante citauimus, in promptu habentes ulcisci omnē inobedientiā 2. Cor. 10. Tertio profert Chrys. testimoniū, qui in dialogis de sacerdotio separat regalem potentiam ab Euangelico ministerio.

nisterio dicens, ministerium esse munus cōmissum à Deo, vt sine armis doceatur homo, non autem esse potestatem dandi, aut adimendi regna, aut sciendū leges ad reip. administrationē. Sed Chrysostomus eo loco, non negat posse summum Pontificem, si caussa id postulet, regna dare aut adimere: sed solum disputat de difficultate, quam episcopi in ouibus suis curādis patiuntur, ac dicit, Pastores ouium irrationalium, quibus corporales tantum morbi curādi sunt, facile posse oues suas licet inuitas curare, cum in promptu illis sit eas vincere, includere, secare, urere: & iudices etiam sæculi, qui solum externas populi actiones regunt, facile posse uinculis, carceribus, gladio populum cogere ad externam tranquillitatem & pacē: Episcopum autem, cui propositū est uitis, nisi uelit: neq; ullis animorum mederi, difficillimam impositam esse prouinciā, cū nemo curari possit à uitis, nisi uelit: neq; ullis tormētis adigi possint homines ad uirtutes. Non fuisse aut Chryso. in ea sententia, ut non possit Episcopus pro imperio cogere, testatur ipse idem Chrysost. in hom. 70. ad populum Antiochenum, ubi prohibens, ne quis mulieres præficas aduocet ad funera deploranda, sic loquitur. Ne cogā, inquit, eas uera & propria mala deslere. & infra. Si uero quod absit, contempti fuerimus, minas ad rem deducere cogemur, uos quidem ecclesiasticis castigantes legibus, illas uero, sicut eis conueniet. & hom. 83. in Marth. Vt etiam supra citauimus,

uimus, diaconos monet, ut indigne ad Eucharistiam accedentes, pro potestate cohibeant, etiam si Duces, Consules, Imperatores fuerint. Cum igitur Chrys. in lib. 2. de sacerdotio scribit, Episcoporum solis persuasionibus, non autem vi, & potestate cum ouibus suis agere posse, loquitur ut diximus, de interna animorum conuersione, & curatione, non de externa improbitate cohibenda. Quarto addit Hilarium, qui in lib. ad Constantium, & in altero contra Auxentium scribit, non debere homines ad fidem ueram cogi corporalibus pœnis, & grauitur Arianos accusat, quod exiliis, & carceribus catholicos ad hæresim Arianam pertrahere niterentur. Sed facilis est solutio. Verissimum est enim neminem ad fidem esse cogendum: neque Ecclesia docet Ethnicos, & Iudeos ad fidem nostram, quæ sola uera est fides, armis, aut terroribus cogi posse. Hæreticos autem iure suo Ecclesia cogit, non ut fidem suscipiant, sed ut in fide maneant, quam aliquando susceperunt. Neque ignorabat Hilarius, ab ipsa Nicæna synodo à Constantino Magno impetratum fuisse, ut Arius exilio multaretur. Porro Ariani merito ab Hilario arguuntur, quod ad suam perfidiam catholicos uel pertraherent, cum nullum ius Ariani in catholicos, sed contra catholici in Arianos haberent; neque enim catholici ab Arianis, sed Ariani à catholicis ante descieuerant. Quinto ad scripturas reuertitur, & illud ex Euangelio citat, *reges Gentium dominantur eis, sed non*  
*ita*

ita uobis futurum est Matthæi uigesimo, & Luc. 22. At quis nostrum umquam docuit debere Episcopos populis dominari? Patres, pastores, præfules, non dominos esse dicimus. Quamquã eo loco non tam dominatum, quam superbiam & tyrannidem dominantium Christus reprehendisse uidetur: cum statim subiecerit, sicut Filius hominis non uenit ministrari, sed ministrare; ubi cum reprehendisset modum ethnicae gubernationis, formam sui regiminis proposuit, qui cum uere esset magister, & dominus, ut ipse ait Ioan. 13. ea tamen humilitate præerat, ut seruire, ac ministrare potius uideretur. Sexto addit exemplum Christi, qui Ioan. 6. fugit in montem, ne rex eligeretur, & Ioan. 18. regnum suum non esse de hoc mundo affirmauit. Et Luc. 12. tu dex fieri noluit inter fratres litigantes. & Matth. 17. tributum pro se, & Petro soluit. & Ioan. 13. Apostolis imperauit, ut exemplum suum imitarentur. Quod illi fecerunt Apostolo dicente, Nemo militans Deo, implicat se negotiis sæcularibus 1. Tim. 2. Sed quorsum hæc omnia? Noluit Christus temporale regnum in hoc mundo, quia rex æternus à patre constitutus erat super montem sanctum eius, & acceperat gentes hæreditatem suam, & possessionem suam terminos terræ. Psal. 2. sic etiam Apostolis, & successoribus eorum non regnum aliquod terrenum, sed Ecclesiasticam præfecturam cū amplissima potestate commisit. Et quãuis ea potestas, ut supra ostendi-

mus,

mus, ad animos, & res diuinas & æternas proprie pertineat, unde etiam nomine Clauium regni cælorum appellata est, tamen ad res etiã terrenas, & corpora se extendit, quando id postulat fidei causã, religionis incolumitas, aut salus animorum. Quocirca non implicat se negotiis secularibus, qui secularia negotia non propter præsens sæculum, sed propter æternam felicitatem attingit. Alioquin Apostolus ipse negotiis secularibus se implicasset, dum 1. Cor. 7. & 1. Tim. 5. de coniugali debito reddendo, de nuptiis adolescentium, uiduarum, & de liberorũ procreatione, & educatione præcepta daret. Septimo perfert illud ex Apostolo, omnis anima potestatibus sublimioribus subdita sit Rom. 13. in quem locũ, ait, Chrysostomum scribere, nullum omnino ab hac lege excipi, siue Apostolum, siue Euãgelistã, sacerdotũ, monachum, aut quemuis alium. Sed Apostoli testimonium causæ nostræ maxime fauet. Generalis & uerissima est illa sententia, debere omnes omnino superiori potestati obtemperare. Sed quia potestas est duplex, spiritualis; & temporalis, ecclesiastica & politica, quarũ altera episcoporum, altera regũ est: episcopi regibus in temporalibus rebus, & reges Episcopis in spiritualibus subiecti esse debebũt, ut copiose disputant Gelasius primus in epist. ad Anastasiũ, & Nicolaus 1. In epist. ad Michaelẽ. Quoniã uero Rom. Episcopus nõ modo summus est princeps ecclesiasticus, cui oēs Christiano diuino iure subii ciun-

tur ; sed est quoque in suis prouinciis *Princeps* temporalis ; neque ullam in temporalibus superiorem agnoscit , ut neque reliqui absoluti , ac supremi *Principes* in suis regnis & ditionibus , inde fit , ut ipse nullam supra se potestatem in terris habeat , & ipsi ut potestati sublimiori iuxta præceptum Apostoli , reges omnes & *Principes* Christiani subiecti esse debeant . Hinc est illud sancti Bernardi ad Conradum Imperatorem epist. 184. legi , omnis anima potestatibus sublimioribus subdita sit . Quâ sententiâ cupio uos custodire in exhibenda reuerentia Petri Vicario , sicut ipsam uobis uultis ab uniuerso seruari imperio .

## C A P. XXVI.

VENIT postremo ad exempla Pontificum , qui dum se regibus subiectos palam profitebantur , simul docebant , non se posse regibus imperare . Primo loco Bonifacium primum addicit in medium , qui ab Imperatore Honorio petiit , ut iuberet Rom. Pontificē non eligi deinceps per ambitū , aut quauis illicita ratione . can. Ecclesiæ . dist. 97. sed quid hoc facit ad rem ? Imperabat eo tempore in occidente Honorius , neque Pōtifex eas temporales uires per se habebat , ut seditionibus popularibus , quæ circa eiusdem Pontificis electionem subinde nascebantur , occurrere posset . Itaque ab Imperatore petiit , ne pateretur electiones turbari , sed factiosos , atque ambitiones homines Imperiali potentia coaceret . Ob quam etiam causam postea Romani ipsi Pontifi-



Pontifices Carolo Magno ius eligendi Pontificem eundem contulerunt. Sed non ideo Imperator Pontifici præerat, aut eum iudicare poterat, quia electioni eius præerat. Aliud enim est personam designare, quæ Pontificatū accipiat, aliud in Pontificem iam creatum potestatem habere. Secundo loco profert acta quædam Odoacri regis Herulorū, qui Romæ imperauit Symmacho Pontifice, sed uerba eius audiamus, Fuerunt ab ipso Odoacro, optimæ leges latæ, & per ecclesiasticos receptæ in Ecclesia, donec à Theodorico Vvisigotho fusus est. can. Bene quidē, dist. 96. Nescio quid hic de aduersario iudicem, somniaueritne, cum hæc scriberet, an de industria cōtra se testimonia allegauerit, ut se nō esse sanī capitis indicaret? Si quidē totus ille canō, Bene quidē. Ab eo citatus, consumitur in abroganda lege politici magistratus, Hæc enim sunt uerba canonis illius citati ex Concilio Romano sub Papa Symmacho depropta. Ista scriptura nullū Rom. ciuitatis potuit obligare Pontificē: quia nō licuit laicis statuēdi in Ecclesia, præter Rom. Pontificē, habere aliquam potestatem; quos obsequendi manet necessitas, non auctoritas imperandi. & infra. Sancta synodus dixit. Licet secundum prosecutionem uenerabilium fratrum nostrorum Laurentii, Petri, Eulalii, Cresconii, Maximi, uel Stephani, nec apud nos incertum habetur, hanc scripturam nullius esse momenti: uerumtamen etiam si aliqua posset ratione subsistere: modis omnibus

bus in synodali conuentu prouida beatitudinis  
 uestræ sententia eneruari conueniebat, ne in exē-  
 plum remaneret præsumendi quibuslibet laicis,  
 “ quamuis religiosi, uel potentibus in quacunque  
 “ ciuitate, quolibet modo aliquid decernere de ec-  
 “ clesiasticis facultatibus, quarum solis sacerdoti-  
 “ bus disponendi indiscussè à Deo cura commis-  
 “ sa docetur. Hæc Romę Synodus illa Symmacho  
 præsidente dictare non dubitauit contra legem à  
 Basilio patricio, & Odoacri Regis uicario in ip-  
 sa Vrbe tum regnantis, latam. Quomodo igitur  
 non dormiebat, aut non delirabat, qui synodi hu-

*epist.*  
 32. ius decretum protulit, ut probaret, optimas leges  
 Odoacri ab Ecclesia fuisse receptas? Nam quod  
 Theodoricum Odoacri successorem Vvisigothū  
 pro Ostrogotho nominat, & alia quædam minu-  
 tiora errata facile patior sileri. Tertio loco profert  
 exemplū Pelagii Papæ primi in hæc uerba. *Pela-*  
*gius* primus fidem professus est, & iusiurandū de-  
*epist.* dit in manus Rufini, quem Childebertus Rex  
*ad falsi* Francorum ablegauerat. can. Satagendum. 25. q.  
*uariā* 1. Hic aduersarius ita canonem illum interpreta-  
*uitam* ri uidetur, ut Pelagius Papa obediētiā Regi Chil-  
*agen-* deberto iurauerit: id enim ei probandum fuerat,  
*tes.* Romanos Pontifices regibus subiectionem, &  
 obedientiam olim deferre solitos. Sed longissime  
 abest id à sententia Canonis illius. Rex Childe-  
 bertus Pelagii Papæ sententiam de fide Catholi-  
 ca cognoscere cupiebat. Quare per legatum ab eo  
 petiit, ut uel fidem suā ad se perscriberet, uel cer-  
 te to-

te totum sancti Leonis se approbare significaret. Vtrūquē Papa pręstitit: nam & totum sancti Leonis in omnibus se approbare significauit; & fidem etiam propriis uerbis exposuit, ne (ut ipse ait) ulla malę suspicionis occasio in animis hominum resideret. Hęc est tota sententia canonis illius, in quo nulla iuramenti ad manus Rufini pręstiti, nulla subiectionis, uel obedientię ad Regem mentio est. Ita scilicet bona fide solet iurecōsultus noster canones allegare. Quarto profert exemplum Leonis iiii. quem scribit iureiurando confirmasse, se leges Lotharii seruaturum; & ut quendam diaconum Ecclesię Reatinę Episcopū fieri promitteret, ab eodem Lothario postulasse; & coram Ludouico Lotharii filio causam lęsę Maiestatis egisse. can. de capitulis. dist. 10. can. Reatina, dist. 6. can. Nos si incompetenter. 2. q. 7. sed hęc omnia facillimam habent solutionē. Nam in eo canone, de capitulis, non iurat Pontifex Leo, ut aduersarius mentitur, se leges seruaturum, quas Lotharius pręsente Eugenio ii. Pontifice tulerat, quęque relatę sunt in primum librum feudorum. Siquidem nec leges illę feudales ad Pontifices pertinebant, nec earum ulla mentio fit in canone, de capitulis, nec iusiurandum Papę in eo canone legitur; sed solum Pontifex Leo daturum se operam pollicetur, ut leges Imperatorum, tum etiam Pontificum obseruentur. In quam sententiam loquitur etiam Io. 8. can. Vides. dist. 10. Quod attinet ad Ecclesiā

Reatinam, mirum videri non debet, si Pontifex Episcoporum ordinare volebat sine Cæsaris voluntate, cum eo tempore vigeret priuilegium, quod Hadrianus Papa Carolo Magno cōcesserat, vt nullus Episcopus fieret, quē Cæsar nō cōmendasset, vt videre licet, can. Hadrian, dist. 63. quod denique ad purgationē Leonis pertinet corā Ludouico Lotharii filio, satis constat ipsū Pontificem sponte sua se iudicio discretiui, ut loquuntur, nō coactiuo Imperatoris subiecisse. Quod etiam antea Leo tertius, & Sixtus etiam tertius fecerant, qui freti innocentia sua causā examinari volebant, ac deinde solo iuramento non ullius superioris iudicis sententia purgabantur. Quinto profert exemplum Honorii iii. cap. 3. de iuram. cal. ubi Pontifex legem imperialem de iuramēto clericorum seruādā esse dicit. At quid mirum est, si Pontifex legem illam, quæ ad cleri honorē maxime pertinebat, obseruari uoluerit? Lex enim ea erat, ne in iudicio publico clerici, aut monachi iuramentum præstare cogerentur. Sed cur illud aduersarius in eo cap. non aduertit summum Pontificem iudicem se legum ostendisse, cum eas pro auctoritate sua declarauerit & extenderit? Sexto profert exempla ueteris legis, quibus se obturare uelle dicit ora omnium ac uersariorum. Scrutētur (inquit) diligentissime in scriptura sacra, quā auctoritatem reges, & principes Israël in sacerdotibus, & alios ecclesiasticos diuinæ legis administratos habuerint, cui auctoritati nihil decessit hoc nostrum

nostro tempore gratiæ . Omnino deprehensuri sunt, maximâ illorum in hos fuisse potestatem. Sed ego scrutando reperi non pauca, quæ ipsius os facillime obturabunt. Siquidem in li. Num. c. 27. iubetur Princeps & omnis populus ingredi, atque egredi ad verbum Eleazari sacerdotis, In lib. Leuit. cap. 4. describuntur quatuor genera sacrificiorum, ex quorum ordine & dignitate recte colligunt interpretes, ordinem & dignitatem personarum, pro quibus illa offerebantur. Primum erat sacrificium vituli, quo nullum erat maius, idque pro solo Pontifice, ut pro persona omnium dignissima; alterum sacrificium item vituli, tota synagoga, tertium hirci, vilius scilicet, & abiectius, pro rege; quartum denique capre, id est infimum & viliissimum pro priuato quolibet immolabatur. Ex quo Philo doctissimus Hebræorum in lib. de uictimis, Theodoretus q. 1. in Leuiticum, & Procopius Gazeus in comment. 4. cap. Leuitici, Pontificem rege præstantiorem, & maiorem etiam apud Hebræos fuisse confirmant. In lib. Iosue c. 14. 17. 19. 21. perpetuo cum nominandi sunt Sacerdos, & Princeps, Eleazarus, & Iosue, primo loco Sacerdos, secundo Princeps appellatur. Quid quod (ut supra breuiter annotauimus) Ioiada Pontifex Athalias reginæ tum ob tyrannidem, tum ob corruptam religionem de solio deturbari, & Ioas regem in eius locum substitui iussit? Ioiadam enim non consulendo, aut hortando, sed plane imperando negotium confecisse testantur uerba illa diuinæ Scripturæ. Et fecerunt

runt Centuriones iuxta omnia quæ præceperat  
 eis Ioiada Sacerdos 4.Reg. 11. septimo loco adiū  
 „ git exemplum Apostoli Pauli, qui, ut uerba ip-  
 „ sius ponam, cum à Iudæis accusaretur hæreseos,  
 „ agnoscebat cognitionem causæ suæ ad Festum  
 „ Cæsaris vicarium pertinere, eaque de causa ad  
 „ Imperatoriam maiestatem accusatores suos pro-  
 uocabat. Act. 25. Quis non rideat; tam absurdum  
 scripturarum interpretem? Ergone Paulus Apo-  
 stolus iudicem fidei Christianæ fecisset homi-  
 nem ethnicum eiusdem fidei planè rudem, im-  
 mò, & irrisoriam? Pati noluit Ambrosius in pa-  
 latio Valentiniani Imperatoris, qui se tamē chri-  
 stianum profitebatur Christi causam agitari ne  
 forte ethnicus aliquis inter iudices sederet, & de  
 Christo triumphum ageret, si de Christi fide iu-  
 dicaret. Et Magnus Athanasius Constantium Au-  
 gustum antichristum appellare non dubitauit,  
 quod in Concilio sacerdotum præsidere ausus  
 esset: & Apostolus Paulus eiusdē Christi causam  
 sponte sua ad Imperatorem ethnicum, tanquam  
 ad legitimum iudicem detulisset? Non igitur de  
 fide, atque hæresi, sed de seditione, & tumultu in  
 populo excitato primum coram Felice, deinde  
 corā Festo, postremo coram Nerone iudice caus-  
 sam dixit. Nam, & accusatores eius Act. 24. dice-  
 bant, Hunc inuenimus hominem pestiferum, &  
 concitantem seditiones omnibus Iudæis in uni-  
 uerso orbe, & auctorem seditionis sectæ Nazare-  
 norum, qui etiam templū uiolare conatus est. Et

Paulus

Paulus respondebat. Non plus sunt mihi dies, quam duodecim, ex quo adscēdi adorare in Hierusalem, & neq; in templo inuenerunt me cum aliquo disputantem, aut concursum facientem turbæ, neque in synagogis, neque in ciuitate. Et cap. 25. Neque in legem Iudæorum, neque in templum, neque in Cæsarem quidquam peccaui. Ipse etiam Romani iudices non ita imprudentes erant, ut de iis rebus iudicare uellent, quæ non intelligebant. Itaque proconsul Achaïæ Gallio Act. 18. ad Iudæos Pauli accusatores in hæc uerba respondit. Siquidem esset iniquum aliquid, aut facinus pessimum, o uiri Iudæi, recte uos sustinerem: si uero quæstiones sunt de uerbo, & nomini bus legis uestre, uos ipsi uideritis, iudex ego horum nolo esse. Octauo refert ex historia Africæ (ut ipse dicit) Optati, Marcellinum præfectū datum ab Honorio Imperatore iudicem contra Donatistas. Sed prodidit in hac re sapientiam suam. Nam historiam collationis Carthaginienſis Frācisci Balduini, quod ī ea crebro citetur Opratus, uidetur aduersarius ita accepisse, ac si tota historia Optati fuisset. Sed neque ulla extat Optati historia Africana, sed solum libri quidam aduersus Parmenianum: neque in iis libris meminit, aut meminisse potuit Marcellini ab Honorio delegati in causa Donatistarum, cum libros illos scripserit Syricio summo Pontifice, ut ipse in 2. libro testatur. Marcellini autē delegatio facta sit post mortē Syrii, & Anastasii successoris eius,

Innocentio primo Pontifice, anno uidelicet post Consulatam Varonis, ut ex actis collationis illius intelligi potest, cui præsuit Marcellinus ab Honorio delegatus. Quod autem Marcellinus tribunus cognitor datus sit in causa Donatistarum, nihil officit causæ nostræ. Nam ut scribit S. August. lib. 3. contra Iulianum cap. 1. non fuit illud Ecclesiasticum iudicium, in quo fides explicanda esset, sed extraordinaria collatio, & ob quandam necessitatem suscepta. Siquidem Donatistæ totam Africam infestabant, nec poterant aliter reprimi, aut ad disputationem cogi, nisi per temporales potestates. Itaque Marcellinus nunquam more iudicis sedere uoluit, neque aliam sententiam tulit, nisi quæ instar esset publici testimonii, quo significabatur, Donatistas in disputatione cum catholicis usque adeo inferiores fuisse, ut nihil tandem habuerint, quod responderent. Vide August. in Breuiculo collationis. Nono profert ex August. tract. 11. in Ioannem, mandatum aliquando fuisse Dulcino Tribuno ab Imperatore, ut in Donatistas animaduerneret. Sed nulla hac de re controversia est. Iudicium enim de fide Principum temporalium esse negamus; hæreticos autem ab Ecclesia iudicatos, quales tunc erant Donatistæ, & quales Lutherani, & Hugonotti sunt, à temporalibus principibus puniendos esse libentissimè concedimus. Postremo totum caput suum 19. atque adeo totam disputationē claudit insigni testimonio S. Ambr. qui in epi. 3. 2. testatur Dalmatiū præse-

præse-



præfectum ab Imperatore ad se missum, ut ad cōcilium in palatio, Imperatore iudice, celebrandum accederet. Sed si hoc non est impostorem agere, & imperitia uulgi abuti, nescio quid unquā erit. Scribit quidem Ambrosius ad iudicium illud se uocatum, sed etiam scribit, se nulla ratione accedere uoluisse, etiam si de capite periclitandum esset. Hæc enim sunt Ambrosii uerba in epistola illa ad Imperatorem Valentinianum, Dalmatius me tribunus, & notarius mandato, ut allegauit, clementiæ conuenit tuæ: postulans, ut & ipse iudices legerem, sicut elegeret Auxentius: nec tamen expressit eorum nomina, qui fuerant postulati. Sed id addit, quod in Consistorio esset futura certatio arbitro pietatis iudicio tuæ. Cui rei respondeo, ut arbitror, competenter. Nec quisquā contumacem iudicare me debet, cum hoc alle-ram, quod augustæ memoriæ patet, cuius non solum sermone respondit, sed etiam legibus suis sanxit: in causa fidei uel Ecclesiastici alicuius ordinis eum iudicare debere, qui nec munere impar sit, nec iure dissimilis. Hæc enim uerba rescripti sunt. Hoc est, sacerdotes de sacerdotibus uoluit iudicare. & infra. Quando audisti, clementissime Imperator, in causa fidei Laicos de Episcopo iudicasse? & infra. Quis abnuat, in causa fidei Episcopos solere de Imperatoribus Christianis, non Imperatores de Episcopis iudicare? & infra. Si conferendum de fide, sacerdotum debet esse ista collatio. hæc ille.

S E D quamquam diligenter excussimus ea ,  
 quę aduersarius siue ad rem, siue etiam præter rē  
 protulit aduersus Romani summique Pontificis  
 auctoritatem: unus ramen adhuc scrupulus exi-  
 mendus superest, qui simplicioribus nonnullis  
 non parum negotii fortasse facesseret. Igitur pag.  
 156. bullam Martini quinti Pontificis à Moli-  
 nęo citari scribit aduersarius, qua priuilegium  
 Francis concessum sit, ne rex, officiales, & subdi-  
 torum ipsius corpora, & communitates à Pontifi-  
 ce, aut quouis Episcopo excōmunicari possint.  
 Eam uero bullam non aduersari dispositioni iu-  
 ris, quam ferè obseruare solēt Pontifices, probat  
 ex illa extrauaganti Io. 22. quę incipit. *Frequētes.*  
*de iudic. ubi Papa scribit, posse priuilegium ali-*  
*cui à sede Apostolica dari, ne is ab ullo excōmu-*  
*nicetur.* Qua etiam ratione dicit Eugen. iiii. in ex-  
 trauaganti *Diuina. de priuil. Francis.* (Quam uo-  
 cem de suo addidit aduersarius: neq; enim Euge-  
 nius Francos nominauit, sed generatim priuile-  
 gium dedit) curiam Romanam sequentibus cō-  
 cessisse, ut nulli Episcopo liceret in eos excommu-  
 nicationis sententiam ferre. Sed addit postremò,  
 se non multum de bullis, & priuilegiis Ro. curię  
 laborare, cū ex iure, auctoritate, & dignitate maie-  
 statis Regis Frācorum sit, ut nullum superiorem  
 agnoscat, nisi Deum. Ad hanc obiectionem pluri-  
 mę solutiones adhiberi possunt: primam enim  
 non faciliē demonstrabitur talis aliquā Bulla, in  
 qua

qua Francorū principes excommunicari nō posse à summo Ecclesię præsule significetur. Deinde si eiusmodi bulla ostenderetur, deberet sine dubio ita explicari, ut intelligeremus, nō posse principes illos excommunicari, nisi priuilegium eis datum à summo Pontifice reuocaretur. Neque enim potest summus Pontifex futuro summo Pōtifici manus ligare, cum par in parem nullam habeat potestatem. Atque ad hunc modum loquitur Ioan. 22. in extrauaganti, quam aduersarius citat. Fert enim excommunicationis sententiam in eos etiam, qui forte ab Apostolica sede priuilegium habuerant, ne excommunicari possent, nisi de hoc ipsorū priuilegio specialis mētio fieret. Porro in caussa fidei priuilegia omnia cessant, neque est ullus, siue Princeps, siue priuatus, qui ob hæresim excommunicari, aliisque pœnis in hæreticos latis affici nō possit. De qua re extant clarissima testimonia summorū Pōtificū Urbani 4. & Clemētis item 4. in litteris quę incipiunt. *Præcūctis*, & eiusdē Clementis c. *Vt officium*, de Heret. 6. paragrapho Denique, ubi cū de potestate inquisitorū multa dicta essent, hæc additur clausula. Nō obstatibus aliquibus priuilegiis uel indulgentiis quibuscūque personis, cuiusuis conditionis, dignitatis, uel gradus, religionis uel ordinis, cōmunitatibus, uel uniuersitatibus ciuitatū, & locorū specialiter uel generaliter, sub quacūque uerborū expressione, uel forma à memorata sede concessis, uel in posterum cōcedendis, cū

ex huiusmodi, uel aliis priuilegiis, uel indulgentiis nullum uobis in tanto pietatis negotio uelimus obstaculum interponi. Quod si Pontificum litteris, & decretis contemptis sola Regia maiestate, & auctoritate nitatur aduersarius, quo iure Francorum regem; eiusque Principes excommunicari non posse contendit, eodem affirmet necesse est, alios item Reges, qui supra se nullum agnoscunt Principem temporalem, excommunicari æque non posse. Cur enim priuilegiis semotis, potius Apostolicæ sedis Rom. Imperator, & Reges Anglorum, Polonorum, Danorū, aut quouis alius summus Princeps subiiciatur, quā Rex Francorum? At Imperatorem Theodosium potētissimum orbis terræ monarcham iustè excommunicatum fuisse ob cædem Thessalonicensium; & Arcadium Theodosii filium itē Augustum, ob expulsum à sua sede Chrysostomum: & Zenonē & Anastasium Imperatores ob hæresim Eutychnam, & ob alia crimina Hæricum Angliæ, & Sueuonem Daniæ, & Boleslaum Poloniæ Reges, aduersarius constetur pag. 164. & sequentibus. Si igitur potentissimos istos Imperatores, & Reges, aduersario teste, summa ipsorum dignitas, & maiestas ab Ecclesiastico anathemate tueri nō potuit, poterit Francorum regem, aut eius subditos, inferior, uel non maior dignitas, atque maiestas? quid? quod imprudens, & tecum ipse toto opere pugnans aduersarius id ipsum affirmat de Francorū regibus pag. 161. & sequenti, quod ibidem,

dem, & pagina superiore de aliis regibus & Imperatoribus affirmauerat. Nā Lotharium, Dagobertū, Philippum Augustum, Philippū Pulchrū, Ludouicū duodecimū excommunicatos aliquando fuisse comemorat: Et sane si uera sunt, quæ ex euangelio & sanctorū patrum commentariis, & ex ipsis Francorū regnum, & procerū testimoniis supra retulimus de potestate Ro. Pōtificis in omnes omnino fideles, & in ipsos etiam Francos siue Principes; siue priuatos, siue ecclesiasticos, siue laicos, quæ certè falsa esse non possunt, nulla causa fingi potest, cur idem Rom. Pont. quolibet Principes, si res id postulet, excommunicare non valeat.

## P A R S Q V A R T A.

### C A P. XXVIII.

**N** V N C demum causæ adferendæ sunt cur non modo non tutum, sed etiam periculo-  
sissimum, uel potius euidenter summeque perni-  
ciosum existimari debeat, si homo hæreticus ad  
regni solium in catholicorum prouinciis eueha-  
tur. Ac primum illud affirmo, ubi rex est hæreti-  
cus, ibi nec regnū, nec religionem esse posse diu-  
turnam: proinde sibi certo persuadeant, qui de re  
ge hæretico accipiendo consultant, eos de regno  
& religione perdenda eodem tempore consulta-  
re. Si reuoluantur ueteres historiae, tria noua atq;  
ingentia regna eodem fere tempore instituta  
inuc-

inuenientur, Vvandálorum in Africa, Gothorú in Italia, Francorum in Gallia: regnum Vvandálorum Genferico auctore in Africa constitutum, quod reges hæreticos, & in catholicam Ecclesiá crudelissime debacchantes habuerit, à sex tantum regibus potuit obrineri. Nam etsi potentissimum esset, & longe latèque propagatum: Deo tamen ueræ religionis iniurias uindicante, paulo post ita deletum funditus, atque ab imis radicibus euersum est, ut uix memoria Vvādalorum in Africa reliqua fuerit. Regnum Gothorú Theodorico auctore in Italia constitutum adeo florebat initio, potētia, atque opibus, ut uix ulla in re Romano Imperio cederet. Reges habuit minus quidē in catholicos, inhumanos, Arianos tamē; & iccirco stabile, ac firmum esse non potuit. Vix enim octo reges in Italia sceptrum tenuerant, cum Gothi omnes ad unum ex Italia pulsī, uel in Italia ad internecionem cæsi deletique fuerunt. Solum est regnum Francorum, quod radices altissimas iacere, & firmum atque inconcussum tot iam sæculis permanere potuit, quod iā inde à Clodoueo Christianissimos reges, & catholicę religionis cultores Romanęque Ecclesię defensores singulari Dei beneficio habere meruerit. Imperiū Romanorú quamuis neque ab hæreticis constitutū sit, neque ab iis euerti potuerit? tamen catholicis principibus imperatibus uehementer floruisse, ab hæreticis contra in extremū periculum quandoque perductum fuisse, nemo

mo negabit; qui historias legerit. De Constantino Imperatore catholico ita S. August. in 5. lib. de ciuitate Dei loquitur, Constantinū Imperatorem ipsum uerum Deum colentē tantis terrenis Deus impleuit muneribus, quanta optare nulus auderet. Vniuersum orbē Romanū unus Augustus tenuit, & defendit. In administrandis & gerendis bellis uictoriosissimus. In tyrannis opprimendis per omnia prosperatus est, grandæuus egritudine & senectute defunctus est, filios imperātes reliquit. similia de utroque Theodosio, de Carolo Magno, de Othone primo, deque aliis multis dici possent. Cōtra uero Constantius Arianorū fautor in etatis flore, sine hærede, mœrore animi potius quā morbo cōsumptus hosti suo, in quē arma parabat, imperiū relinquere coactus est. Iulianus Imperator impius Christianæ fidei detertor, in ipso regni sui exordio diuinitus percussus, communi etiam caruit sepultura, neque solū ipse misere periit, sed etiā exercitum pœne totum perdidit, & Imperiū Romanū maximo detrimēto affecit. Imperator Valens Arianæ heresi supra modū addictus à Gothis tui piteracie uictus uiuus crematus est, & orientale imperium in eas angustias adduxit, ut uix incredibili uirtute catholici religionisque Principis Theodosii retineri cōseruarique potuerit. Imperatores orientis ab eo tēpore, quo propter iconomachorū hærēsim ab Ecclesia Romana dissidere cœperunt, semper magis ac magis uiribus & potentia

ca. 35  
Socr.

l. 2. c. 37.

Greg.  
Naz.

ora. in  
Alba

nasū.

Rufi-  
nus li.

11. c. 13.

tia imminuti, imperium tandem ſauiffimo Turcarum tyranno cedere coacti ſunt. Neque ulla uerior cauſſa reddi poteſt cur Aſiam, Africam, Græciam tam facile Turca inuadere & occupare potuerit, niſi quia ſchiſmata, atque hæreſes, quæ in iis locis vigeant, vel etiam hodie vigent, horribilem iſtam, iuſtiſſimamq; pœnam à domino merebantur. Quid multa? legantur, ac relegantur diligenter hitorix, non facile quis inueniet, regnum vllum ab hæreticis principibus gubernatum ſèliciter propagari, aut diutius conſeruari vllò vinqum tempore potuiſſe.

## CAP. XXIX.

Sed parum eſſet ſi regnū temporale ſolum, nō etiam uera religio, quæ ſola ad uitam beatam & ſempiternā ducit, hæreticis regnantibus in diſcrimē adduceretur. Veriſſima enim eſt illa ſententia. Qualis eſt rector ciuitatis, tales & habitates in ea, Eccleſ. 10. & illud poetæ: Totus cōponitur orbis Regis ad exemplum, hinc uide licet temporibus Iudaicis, ubi Dauid, Ezechias, Ioſias, & alii pii Reges erāt, ibi religio uera paſſim ab omnibus colebatur, ubi Hieroboam idolum erexit, maxima regni pars ad idola colenda defluxit; & poſt Chriſti ſalutarem aduentum, Conſtantino pio regnante, florebat Chriſtiana religio, idola ubique deſerebantur. Regnante Conſtantino Ariano ingemuit orbis, ut uerbis utar ſancti Hieronymi in dialogo contra Luciferianos, & ſe Arianum eſſe miratus eſt. Regnante apoſtata



apostata Iuliano idololatria reuixit, innumera-  
 biles homines, qui Christo nomen dederant, vt  
 impio regi placcerent, à Christo ad Belial defecerūt.  
 Ac ut antiqua præteteam, nonne intra paucos an-  
 nos hac nostra ætate imperante in Britânia Eduar-  
 do sexto, regnum pæne totum à Christo ad Calui-  
 num defecit? Imperante Maria, nonne iterum re-  
 gnum totum ad Christum, & Ecclesiam rediit? Im-  
 perante Elisabetha, nonne iterum regnare cœpit  
 Caluinismus, & uera exulare religio? In cate-  
 ris Christiani orbis partibus nesciò an uel vnum  
 nuenias principem hæreticum, in cuius di-  
 ctione catholica religio publice colatur, & ui-  
 ueat. Fallitur igitur, qui rege hæretico religio-  
 nem catholicam diu conseruari posse arbitratur  
 inculumem.

C A P. XXX.

N E Q V E solum ideo religio perit hæreticis re-  
 gnantibus, quod plurimi sequuntur exemplum re-  
 gis: sed etiã quia tam est sæuus, ac truculentus in  
 catholicos hæreticorū furor, quando cum summa  
 potestate coniungitur, vt eos nullo loco consistere  
 patiatur. In testamēto veteri quid Achab rex, & v-  
 xor eius Iezabel studio falsæ religionis i ueros Dei  
 cultores egerint, testantur uerba illa Helie pro-  
 phetæ, altaria tua destruxerunt, & prophetas  
 uos acciderunt gladio, & relictus sum ego so-  
 lus, & quærunt animam meam, ut auferant eam.  
 Quibus porrò cladibus à Constantino, & Valen-  
 te Imperatoribus, & non diu post à Genserio

H co,

co, Hunerico, & Trasimundo regibus Ariani attriti fuerint catholici, prope fidem superat, ac nisi à uiris sanctissimis, & optimis, & qui illo ipso tempore uixerunt, Athanasio, Petro Alexandrino, Gregorio Nazianzeno, Rufino, Victore Vticensi literis ea mandata fuissent, prorsus incredibilia possent uideri. In uita S. Antonii, Magnus Athanasius, Post annos, inquit, duos scrua Arianorum irrupit insania. Tunc ecclesiarum fuerunt rapinæ; tunc diuinorum temeratio uasorū; tunc pollutis ethnicorum manibus sacra polluta sunt mysteria. Proh scelus horret animus explicare quæ gesta sunt. Virgînū matronarūque ereptus pudor, sanguis ouium Christi in Christi templo effusus, ueneranda respersit altaria: & in apologia de fuga sua; Quis, inquit, locus reliquus, qui non ipsorum scruia monumenta possidet? Quæ Ecclesia non lugeat eorum insidias? Et infra, cum enumerasset plurimorum Episcoporum exilia, & uincula, nonnullorum etiā tormenta, & mortes, ista subiicit. Videre erat post septimanam Paschæ uirgines in carcerem detrudi, Episcopos uinctos à militibus duci, pupillorū uiduarumque ædes populari, noctu Christianos raptari, ædesque obsignari, & fratres clericorum pro fratribus in periculū deuocari. Et infra. Virgines ignibus flammatis rogi admotas adigebat ad confessionem Arianicæ religionis: ibi cum eas inuictas cerneret, corpora nudat, atque ita in faciem credit, ut uix longo post tempore à suis potuerint agnoscī,  
 Viros

Viros autem quadraginta comprehensos noua ratione lacerant : uirgis enim palmeis aculeos suos adhuc retinentibus ita terga eorum cecidit, ut alii saepius à medicis ob tenacius inhaerentes aculeos frustra curati, alii curationem non ferentes, mortē oppetiuerint. Et infra causam harum omnium rerum uno verbo attingēs, Siquidem, inquit, illis studium fuit secundum Achab quoquo modo, si id fieri posset, ueritatem de medio tollere. Hæc Athanasius de iis facinoribus, quæ fautore Constantio Ariani in catholicos perpetrauerāt. *Pet. Alex.* Athanasii in Episcopatu successor tragedias, quas Valentis Imperatoris tempore uidem excitauerunt Ariani, accuratè describit in epistola quadam, quā ad uerbum historię suæ Theodoretus inseruit li. 4. c. 20. in ea epist. præter alia ista cōmemorat, eos (præsbyteros uidelicet, & diaconos Ecclesię) compellere cepit, uti uitam fidem ab Apostolis per patrum successionem nobis traditam proderent. Affirmauitque Valente Augustum Imperatorem clementissimum hac re uehementer delectatum iri. Postremò cum maxima contentione uocis hæc uerba protulit. O miseri obsequimini, Arianae opiniononi assentite, pro certo persuasi, quod si istius doctrinę obtemperaueritis, sitis pecuniam, opes, & honores ab Imperatoribus consequuturi : sin autem restiteritis, tum carceres, tormenta, questiones, flagella, & carnificinę uobis subeundę sunt. Et infra, cum multa crudelissima exempla commemorasset, hæc subiungit. O scruam iudean-

tus, immo uero condemnantis crudelitātē, Nam qui pro pietate decertarint, idem cum homicidis iudicium subeunt: corporaque eorū manent insepulta; & qui pro fide strenue dimicarint, bestiis, & uolucris obiciuntur ad uorandum; qui denique patres cæsorū, conscientię causā, commiserati sunt, tamquā impii facinoris auctores, securi feriuntur. Quæ Romanorum lex, quæ barbarorum sententiā uindicauit in eos, qui patribus cæsorū condoluerunt? Vbinam tale scelus à quoquā ueterū fuit umquā patratū? Sunt ista quæ commemoro, incredibilia quidem, immania, dira, crudelia, & barbara, sine misericordia, amara: sed tamen amentes Ariani in illis insolenter gloriati sunt, atque tripudiarunt. Cum enim tota ciuitas in luctu, & mœrore esset (nulla enim domus erat, in qua, ut in Exo. Scriptum est, nō iaceret mortuus) hi, quorū crudeles animi nullo modo exsaturari poterant, nō conquieuerunt, sed scelus de integro exercere aggressi sunt. Hec ille. Rufinus lib. 1. hist. Ecclesiasticæ, ca. 3. de lucio Episcopo Ariano, qui Imperatoris itē Ariani præsidio fultus Ecclesiā catholicam misere deuastebat, ista subiungit. Lucius tamquā materia sibi crudelitatis oblata sauior erga ceteros efficiebatur: & ita ibat in sanguinem, ut ne speciem quidem aliquam religionis seruare uideretur. Cuius primo ingressu tanta & tam turpia in uirgines, & continentes Ecclesiæ gesta sunt, quæ nec in persecutionibus gentilium memorantur. Inde post fugas cinium

& exi-

& exilia, post cædes & tormenta, flammæque quibus innumeros confecerat, ad monasteria furoris sui arma cōuertit. Vastat eremū, & bella quiescentibus indicit. Tria millia simul, aut eo amplius, viros per totā eremum secretā, & solitaria habitatione dispersos, oppugnare pariter aggreditur; mittit armatam equitū ac peditū, manum. Tribunos, præpositos, & bellorū duces tanquam aduersus barbaros pugnatuos elegit. Qui cum uenissent, nouā belli speciem uident, hostes suos gladiis obiectare ceruices, & nihil aliud dicere, nisi, amice ad quid uenisti? Hæc Rufinus. Greg. Nazianz. in oratione contra Arianos, & de seipso alia quædam Arianorum facinora sub Ariano rege patrata his uerbis deplorat. Aræ dilectæ, quemadmodum diuinæ littæ loquuntur, nūc uerò per ignominiam contaminatæ; quisnam impudicus adolescens turpiter cantillans, & corpus inflectens uobis insultauit? O uirginū pudor, ac uerecūdia, quæ ne modestorum quidē uirorum conspectum ferre potest, quis te affecit ignominia, etiam ad illas usque corporis partes, quas spectari nefas est, & impiorum oculis miserabile spectaculū proposuit, igneque sodomitico vindicandum? Mitto enī cædes hoc dedecore tolerabiliore. Quasnam feras in corpora sanctorum immisimus, quod quidem fecere, qui naturam humanam publicauerunt, & prostituerunt, vno tantum obiecto crimine, quod Inpietati non assentirentur. Quorum antistitum, presentibus aliis initiatis, &

H 3 præter

præter lacrymas nihil opis adferre uolentibus, similes carnes unguibus laceratæ sunt? Cum Christo iuspensæ? Patiendæ uictoriam adeptæ? Sanguine pretioso populum aspergentes? Abductæ tandem ad necem? Cum Christo sepeliendæ, & gloria cum eodem afficiendæ? Quosnā seniores ignis & aqua, naturæ sibi inuicem aduersantes, itant noua inusitataque face supra mare sublata cum nauibus, quæ soluerant, exusti sint? Hæc ille, qui postremis his uerbis subobscurè significauit inaudium genus supplicii, quo Valentis Imperatoris Ariani, præfecti, octoginta uenerabiles uiros, qui ab orthodoxis ad Imperatorem legati missi fuerant, in nauim inclusos mediis in fluctibus, admotis facibus concremarunt. Sed hæc omnia, quæ sunt hæcenus commemorata, tolerabilia, ac leuia uideri poterunt, si cum iis conferantur, quæ ab regibus Vandalorum Arianismi propagandi causa gesta fuisse Victor Vticensis scribit. Libro primo, hæc de Genferico refert: Præcipere, inquit, nequaquam cunctatus est Vandalis, ut Episcopos, atque laicos nobiles de suis ecclesiis, & sedibus nudos penitus effugarent. & infra. Maximam turbam clericorum nauibus fractis impositam nudos, atque expoliatos expelli præcepit. & infra. Sacerdotes, atque insignes uiri amissis iam Ecclesiis, & rebus occurrere nisi sunt supplicantes, ut ad consolandum populum Dei saltem habitandi facultas concederetur. Quibus ille per internuntium rabido ore respondit, Decreui ego de nomine,

ne, & genere uestro nullū dimittere, & uos aude-  
 tistalia postulare? Quos etiam uicinio mari uoluit  
 eadem hora demergere, nisi à suis diu ne hoc face-  
 ret, rogaretur, & infra. Terret præceptis feralibus,  
 ut in medio Vvandolorum nostri nullatenus re-  
 spirarent, neque usquā orandi, aut immolādi cōce-  
 deretur gemētibus locus, & infra. Iubet famulos  
 Dei, ligatis, pedibus post terga, currendū quadri-  
 garū inter spinosa loca siluarum pariter intrare,  
 ut ducta atq; reducta dumosis lignorum aculeis in-  
 nocentium corpora carperentur, ita deligati, ut  
 exitum suum inuicem peruiderent, & infra. Quo-  
 dam tempore Paschalis solemnitas agebatur, &  
 dum in quodam loco, qui regia uocitatur, ad  
 diem Paschalis honoris nostri sibimet clausam  
 Ecclesiam referaret, compererunt Ariani. Sta-  
 tim quidam præbyter eorum Audiet nomine, cō-  
 gregata secum armatorum manu ad expugnandā  
 turbam accenditur Innocentium. Introeunt eu-  
 ginatis spathis, arma corripuit, alii quoque tecta  
 conscendant, & per fenestras ecclesiæ sagittas spar-  
 gunt. Et tunc forte canente populo Dei, lector unus  
 pulpito assistens alleluiaticum melos canebat,  
 quo tempore sagitta in gutture iaculatus, cadente  
 de manibus codice mortuus post cecidit ipse.  
 Nam & alii quamplurimi sagittis, & iaculis in  
 medio crepidinis altaris probantur occisi. Nam  
 qui gladiis tunc interempti non sunt, postea  
 prænis attriti, regio iussu, omnes præne necati  
 sunt, præsertim maturioris ætatis. Alibi tem-

pore quo sacramenta Dei populo portigebantur, introeuntes maximo furore corpus Christi, & sanguinem pavimenti sparserunt, & illud pollutis pedibus calcaverunt. Initio autem libri secundi describit idem Victor primordia regni Hunerici, qui Genferico successerat, plane moderata, & mitia in catholicos, sed quia fieri non potest, ut spiritus Satanæ, quo hæretici pleni sunt, diu catholicam Christi Ecclesiam quietam esse patiatur, paulo post adiungit persecutionem Hunerici in catholicos multo grauiorem, quam unquam fuerit sub Genferico. Quibus (inquit) prosequar fluminibus lacrymarum; quando Episcopos, presbyteros, diaconos & alia Ecclesiæ membra, id est quattuor millia octingentos sexaginta sex ad Eremum in exilium destinauit? Ac deinceps toto secundo, & tertio libro persequitur idem auctor supplicia inaudita, ac prope incredibilia, quibus in toto regno Vandalorum catholici crudelissime afficiebantur. Hæc igitur, & non alia expectent, qui regem Calvinistam supra se constitui patientur; nisi forte spiritum Calvinistarum mitiorem esse credimus, quam olim fuerit Ariatorum. Sed aliud clamant tragiæ Anglicanæ, exilia, carceres, patibula: & strages illæ horribiles, quæ anno 1562. Calvinistæ in multis Galliæ partibus: & anno 1572. in Belgio ediderunt. Quis nescit quot sacra templa, quot monasteria, quot pagos, quot oppida spoliauerint, ac diruerint Calvinistæ? Quot in locis altaria euerterint, sacra



sacra vasa profanauerint, imagines Christi, & san-  
 ctorum confregerint; reliquias effoderint, exulse-  
 rint, in flumina, uel cloacas abiecerint? Quam sæ-  
 pe corpus ipsum, & sanguinem Domini ad  
 terram sparserint, pedibus conculcauerint, cani-  
 bus obiecerint, globulis tormentariis petierint?  
 Quid uerò de cadibus horrendis, & inhumanissi-  
 mis dicam? Nonne infantes, ut olim Ariani, me-  
 dios diuiserunt? Nonne sacerdotes uultus exco-  
 riauērunt? Nonne eorum capita uno ictu in duas  
 partes secuerunt? Nonne auriculas Ecclesiasticor-  
 um pro torquibus, & monilibus gestauerunt?  
 Nonne quibusdam uiuentibus, & uidetibus uisce-  
 ra læto tractu explicauerunt? Nonne plurimos ad  
 stipitem alligatos ictibus bombardarum animi gra-  
 tia petierunt? Nonne multos in altissimos puteos,  
 aut alibi in profundissimas ualles præcipites ege-  
 runt? Nonne aliquos etiam uiuos sepelierunt? Non-  
 ne sacerdotem quendam in prima Genomanorū  
 ciuitate amputatam sui corporis partem puden-  
 dam uorare coegerunt, ac paulo post, adhuc uiuen-  
 ti, & spiranti, uentrem aperuerunt, quod se cogno-  
 scere uelle dicerent, num concoqueret edulium hu-  
 iusmodi stomachus humanus? Nonne prope Au-  
 reliano cum ingenui aliquot pueri, in turri cu-  
 iusdam Ecclesiæ metu Calvinistarum latitarent,  
 immanissimæ illæ feræ simul eos cum Ecclesia  
 concremarunt, & aliquos fuga per fenestram e-  
 lapsos, iterum in incendium, miserando specta-  
 culo reiecerunt? Nonne ista omnia, & alia mul-

o plura adhuc hodie viuos & oculatos testes habent? Nonne omnem crudelitatem tyrannorū, barbarorū, immanium ferarum, atque ipsorū prope dixerim, infernalium dæmonum superant? Quod si talia sub minorib. principibus, & qui metu aliquo regis tenebātur, Calvinistæ egerunt; quid, quæso, facerent, si principem supremum, Regemque potentissimum suæ sectæ hominem viderent? Et si tanta cæde bacchati sunt in catholicos, cum stragem ab eis nullam accepissent; quando catholicorum sanguine saturari possent, cum eis ad mentem S. Bartholomæi dies rediret? Viderint igitur, ad quos pertinet, & vicinæ Angliæ eorumnis, & calamitatibus eruditi diligenter perpendat, num ere sua futurum sit, si Hæreticum, & Hæreticum Calvinistam in regem accipiant.

#### C A P. XXXI.

SED alia quoque caussa est, cur sub Hæretico Príncipe religio catholica salua esse nō possit. Nam si qui forte reliqui sint, quos neq; regis exemplū ad hæresim pertrahat, neque vis vlla inimicorū fidei exfulare cogat; tamē ii, quos perpauco fore necesse est sponte sua patriam deserunt, & exiliū voluntarium eligunt, tum vt Ecclesiæ legibus pareant, quæ vitandos hæreticos monet, tum ne patriæ suæ miseras coram adspiciant, tum demum ne cum periculo animæ suæ cum Dei hostibus conuersentur. Audiunt Paulum admonentem, hæreticum hominem deuitandum, audiunt Ioā-  
nem

nem præcipientem, Fos, qui tales sunt, neque in  
 domum admittendos, neque aue illis esse dicen-  
 dum; audiunt Leonem Apostolico spiritu, & au-  
 ctoritate præditum ita cõcionantem: Viperea hæ-  
 reticorũ vitate colloquia. Nihil vobis commune  
 sit cum eis, qui catholicæ aduersantes fidei, solo *Serm.*  
 sunt nomine Christiani, Audiunt & Cyprianum 18. *de*  
 prædicantem. Declinent autẽ fortiter, & eurent di- *passio.*  
 lectissimi fratres nostri verba & colloquia eorum, *dom.*  
 quorum sermo, vt cancer serpit. Et item, Nulla *lib. 1.*  
 cum talibus commercia copulentur, nulla con- *epist. 3*  
 uiuia, vel colloquia misceantur, simusq; ab eis *prope*  
 tam separati, quam sunt illi de Ecclesia profugi. Et *finem.*  
 rursus. Nulla societas fidei, & perfidei potest esse,  
 qui cum Christo non est, qui aduersarius Christi  
 est, qui vnitatis & pacis inimicus est, nobiscũ non  
 potest coherere. Audiunt magnum Antonium,  
 insignem illam Ecclesiæ Dei columnam numquã  
 hæreticis amicabilia verba dixisse, discipulis verò *Atha*  
 etiam præcipere solitum, ne prope quidem hæ- *nasius*  
 reticos accedendũ; nõ secus, ac prope eos accedere *in ni-*  
 formidamus, qui peste laborant. Est enim hæresis *ta sin*  
 pestis in primis perniciofa, adhæret verbis, adhæ- *els An*  
 ret libris, solo colloquio inspirant. illi igitur cum *conii.*  
 hæc omnia probe intelligant, & ueram fidem,  
 donum dei maximum, thesaurum singularem,  
 & omnium bonorum fontem, originem, fun-  
 damentum esse non dubitent: malunt patria  
 carere, quàm fide; & patrimonio terreno spo-  
 liari, quam à regno cælorum excludi. Et sane  
 quo

quo animo veri Ecclesiæ catholicæ filii illum ut regem obseruaret & colerent, quem, in domū recipere Christo per Apostolū suū prohibente, non possent? Qua voce faustis acclamationibus regem illum prosequerentur, quē etiam occurrentem in via simpliciter salutare Apostolus nō permittit? Quo tōlcientiæ testimonio sacramentum fidelitatis illi præstarent, quem Deo rebellem, ab Ecclesiā profugum, Christianæ militiæ desertorem esse non dubitant? Quibus oculis inaugurationem atque inunctionem eius regis adipiscerent, quē sciunt omnes eiusmodi ritus ac cērimonias irritidere, & iuramentum sollemne de Ecclesiā catholica defendenda, aut non suscepturum, aut non seruaturum? quando enim ex animo Caluinista iuraret, se catholicā Romanamq; Ecclesiā totis viribus propugnaturum, quam euersam uidere cupit, ac semper totis uiribus oppugnauit? Nihil igitur mirum est, si diutius sub Hæretico rege catholica religio conseruari non potest, cum omnes catholici aut ad hæresim transeant, ut regis gratiam ineant; aut ab rege eodem exilio, carcere, morte multentur; aut patriam ipsi cum exilio sponte commutent.

*Summa totius disputationis.*

C A P. XXXII

Placuit ad extremum disputationis totius summam ad tres syllogismos reuocare, ut omnes intelligant, exclusionem Henrici Nauarreni

reni à iure successionis in Regnum Frácorum certissimis, atque aded insolubilibus demonstrationibus esse concusam.

*Primus syllogismus.*

Hugonotti, omnes heretici sunt:  
 Henricus Nauarrenus Hugonottus est:  
 Henricus igitur Nauarrenus hæreticus est.

*Secundus.*

b Henricus Nauarrenus hæreticus est;  
 a Hæretici omnes iure successionis ad regna per Apostolicam sedem legitime priuantur;  
 Henricus igitur Nauarrenus iure successionis quod ad regnum Francorum prætendebat, per sedem Apostolicam legitime priuatus est.

*Tertius.*

b Hæricus Nauarrenus legitimè ut hæreticus per sedem Apostolicam priuatus est iure successionis, quod ad Regnum Franciæ prætendebat;  
 a Qui hæreticos per Apostolicam sedem iudicatos, & iure successionis ad regna priuatos assumunt ad regnum, ii omnes religionis, & regni parum studiosos, ne dicam proditores, se probant;  
 c Henricus igitur Nauarrenus assumi non potest  
 ad

ad regnum, nisi forte ab iis, qui religionis & regni parum studiosi, ne dicam proditores; uolūt haberi.

Propositio primi syllogismi demonstrata est certissimis argumentis in tota secunda parte nostræ disputationis. Assumptio eiusdem syllogismi conceditur ab aduersariis, quippe quam Henricus ipse uerbis & factis approbat.

Assumptio secundi syllogismi, conclusio est syllogismi superioris, proinde noua probatione nõ eget. Propositio eiusdem syllogismi, satis probata est in tota tertia parte nostræ disputationis.

Assumptio tertii syllogismi, conclusio cum sit syllogismi secundi, probationem aliam non requirit.

Probatio eiusdem syllogismi in tota quarta nostræ disputationis parte comprobata est.

*Finis . D E O Laus .*

Z 721 — 2